


श्री करुणामय बुद्धमलोकेश्वरया

सांस्कृतिक पृष्ठभूमि

संक्षिप्त - परिचय



चित्रमि-

हेमराज शाक्य

रवि शाक्य, इखाछे, यल

रवि शाक्य, इखाछें, यल

श्री करुणामय बुद्धमलोकेश्वरया

सांस्कृतिक पृष्ठभूमि

संक्षिप्त - परिचय

चवमि-

हेमराज शाक्य

प्रकाशक-

राजकुमार शाक्य

थैना, यल

प्रकाशक—

राजकुमार शाक्य

थेना, धल

फोन ५२७२४४

प्रकाशन मिति—

बुद्ध सं. २५३५

ने. सं. १९९९

वि. सं. २०४८ आषाढ २० जावला जात्रा

(द्व्याव अधिकार च्वमिया)

प्रथम संस्करण १०००

मूल्य—



थाकू— संकटा प्रेस, ख १-८३ टेबहाल, काठमाण्डू-३

समर्पण

परम श्रद्धेय गुरुवर आचार्य श्री बन्धुदत्त,
जुजु श्री नरेन्द्रदेवपिनिगु विलक्षण प्रतिभा व
साधन प्रकृयाद्वारा शिस्वसः दैनिसं थौतक नं
श्री करुणामय यलदेशस विज्याना चवन ।
अतः वसपोलपिनिगु गुणानुस्मरणस प्रस्तुत
पुस्तिका सभक्ति पुष्पाञ्जलि
द्वहलपा चवना ।

-हेमराज शात्रप

हानं छत्वाचा खँ

थनी स्वीदँ न्ह्यः (नेपाल संवत् १०८० स) हनेबहःह्य पासा पं. हेमराज शाक्यजुं “संक्षिप्त आर्यावलोकितेश्वर परिचय” नांगु बःचाधंगु छगू सफू च्वयाः प्रकाशय् ह्याबिज्याये धुंकूगु जुयाच्वन, उगु सफूतिइ भूमिकाया रूपय् जि नं ‘छत्वाचा खँ’ च्वयेधुनागु जुयाच्वन । आः थुगुसी नेपाल संवत् ११११ स बुंगद्यः (बुंगम लोकेश्वर, आर्यावलोकितेश्वर) या भिन्निदँय् छकः बुंगनिसें रथ सालाहइगु जात्रा पर्व—उत्सव चूलानाच्वंगु लसताय् पासा हेमराज शाक्यजुं मनस धर्मचित्त बोधिज्ञान उत्पत्ति यानाः वसपोल बुंगमलोकेश्वरयागु बारे हानं छकः दुग्यंक अध्ययन, अन्वेषण व अनुसन्धान यानाः “श्री करुणामय बुंगम लोकेश्वरया सांस्कृतिक पृष्ठभूमि संक्षिप्त परिचय” नामं न्हूगु सफू च्वयाः प्रकाशय् ह्याबिज्याःगु जुल, थुगु सफूतिइ नं जितः ‘हानं छत्वाचा खँ’ थये च्वयेगु सौभाग्य प्राप्त जुल ।

यलदेशय् बुंगम लोकेश्वरयागु महिमा व गरिमा अपरम्पार ! थ्व भी सकसिनं स्यूगु व थूगु लोक परम्परा व मान्यताया खँ । बुंग देके वने धइगु भीगु विश्वास व धर्मनाप माःहनाच्वंगु छगू पद्धति हे जुल, बुंगद्यःया रथजात्रा धइगु भीगु सभ्यता व संस्कृतिया छगू क्वातुगु दसू हे जुल, बुंगद्यःयागु भोत क्यनीगु स्वोवनेगु धइगु ला जनतानिसें जुजुतकनं साक्षी च्वं वनेमानीगु छगू परम्परागत वाध्यता हे जुल । अकें हे बुंगद्यःया भोत क्यनीगु ‘भोत जात्रा’ कुन्हु श्री ५ या सरकारं स्वनिगलस पर्वविदा हे बियावोगु जुल ।

महायानी बौद्ध धर्म दर्शनस छखे बुंगम लोकेश्वरयागु बोधिसत्त्व सम्प्रदाय ब्वल्हनाच्वंगु दुसा, मेखे हिन्दु धर्म दर्शन अन्तर्गत वहे बुंगम लोकेश्वर सिद्ध गोरखनाथया गुरु मत्स्येन्द्रनाथ (मच्छेन्द्रनाथ) या नापं प्रसिद्ध जुयाः नाथ सम्प्रदाय नं ब्वल्हनाच्वंगु जुल । अझ स्वनिगलस बहुसंख्यक जनताया निम्ति ला लोकविश्वास व लोकमान्यताकथं तथा लोकधर्म व लोकदर्शनकथं बुंगम लोकेश्वर धाःसां अथवा मत्स्येन्द्रनाथ धाःसां निह्यं छह्यहे सहकाल स्वरूप ह्य ‘करुणामय’ (God of Compassion) जुयाः लोकं ह्वानाच्वन । वसपोल बुंगम लोकेश्वर धइह्य द्यः आध्यात्मिक एकता, धार्मिक सहिष्णुता व धार्मिक समन्वयया नं प्रतीक जुयाच्वन । अले वसपोल बुंगम लोकेश्वर धइह्य द्यः नेपाल अधिराज्यायाहे छह्य तःधंहा व तःमिह्य द्यःनं जुयाच्वन । मेमेपिनि सुयां मदुकथं वसपोल बुंगम

लोकेश्वरया विशालकाय जुयाच्चंगु निगः देगः दु । वसपोल बुंगम लोकेश्वर सूर्य दक्षिणायन जुइबले बुंगमतीस खुला अथेहे हानं सूर्य उत्तरायण जुइबले यलया तःबहालय् खुला धइथे विराजमान जुया बिज्याइगु जुयाच्चन । वसपोल बुंगम लोकेश्वर दयंदसं रथजात्रा उत्सव यायेमाःह्य छः, हानं भिन्निदैय् छकः बुंगमतिनिसें यल व यलं निसें बुंगमतिइतक रथजात्रा उत्सव न्यायेकेमाःह्य छः जुयाच्चन । संक्षिप्तरूपं धायेगु खःसा नेपाल अधिराज्यस दकसिबें ताःहाकःगु जीवित परम्परा दुगु रथजात्रा उत्सव न्ह्याकावंच्चंहा वसपोल बुंगम लोकेश्वरयागु आपलं प्रभाव स्वनिगलय् यलया लागांय् दुने च्वंपि मनूतय्गु धार्मिक व सांस्कृतिक थथेहे सामाजिक व आर्थिक जीवनय् लानाच्चंगु जुल । खतु भीसं वसपोल बुंगम लोकेश्वरयागु रथजात्रायागु वर्णन गुलिजक यायेगु धइथे जुइ, अकें छह्य विदेशी विद्वान्यागु मिखां खंकाच्चंगु वसपोल बुंगम लोकेश्वरयागु रथजात्रा उत्सवयागु छ्गू तुलनात्मक उपमा थनी ८० दँ न्ह्यः नेपाः वयाः बुंगम लोकेश्वरयागु रथ जात्रा स्वयावोंहा भाजु पसि ब्राउनया धापूकथं (Picturesque Nepal, Page 106, 108-9) थन ब्वये-

“Of the purely indigenous festivals the most important of all is that in honour of Machendra Nath or Matsyendra Nath, who may be regarded as the patron saint of Nepal. There is a long rambling legend with regard to this divinity and his association with the country, but the ceremony of annually exhibiting his present-day embodiment in the form of an idol to thousands of his followers is one of the most fascinating events of the valley, and a function which has been maintained for centuries.”

थुकियागु मूख-

शुद्धगु स्वदेशीय जात्रातमध्ये दकसिबे महत्त्वपूर्णगु जात्रा खः मच्छेन्द्रनाथ अथवा मत्स्येन्द्रनाथया सम्मानय् हनीगु जात्रा । वसपोलयात नेपाःदेयाहे छह्य संरक्षक सिद्धकथं मान्यता बियातःगु जुयाच्चन । वसपोलया बारे अथवा मुलुक नाप वसपोलयागु सम्बन्धया बारे आपलं ताहाकःगु ऐतिहासिक बाखं नं दु । अले दैय्दसं द्वलंदः श्रद्धालु भक्तजनपिस्त आराध्य देवताकथं थौयागु वसपोलयागु प्रतिमा प्रदर्शन याइगु समारोह उत्सव धाःसा स्वनिगलस दकसिबे बांलागु मनमोहकगु पर्वउत्सव धायेमाल, गुगु कि सलंसः दैनिसें थौतक नं कायम हे जुयावया च्वंगु जुल ।

“Like a great ship staggering through a heavy sea- its curved prow terminating in a gilt figurehead of Bhairab, and apparently forcing” its way through the seething mass of humans who like billows surround it in one capacity and another- the great god Matsyendra in his car, with strain and

cry makes his annual journey. On a staging somewhat resembling a deck the officiating priests take their stand, and, like sailors, cling valiantly to the oscillating structure. A procession naturally accompanies the car, elephants gaily painted and caparisoned more ponderously along, bearing in their gold and silver howdahs the royalties of the state, Bands make joyful.....”.

श्वयागु मूखँ—

गम्भीरगु समुद्रस छगः तःग्वगु लःजहाज थें न्ह्यानाच्वंगु (रथ) ! श्वयागु न्ह्यानेयागु चाःतुला च्वंगु भाग (धःमासिं) लुसिया तःह्य भैरःद्यःया छ्यै थ्यंकाः क्वःचाई । श्व न्ह्याइगु लें द्रलंदः मनूतयगु दासिवया च्वंगु पुचलय् स्वस्वहे बलं पिचानाच्वनी । रथस थनातःह्य नांजाःह्य द्यः (मत्स्येन्द्र, बुद्धम लोकेश्वर) यात प्यखेरं थःथःगु पहलं किसिद्वम्बः कायेथें यानाः मुनाच्वंपिं मनूतसें ध्वाध्वां हे हाहां हे दैय्दमं जात्रा याःन्यायेकाच्वनी । लः जहजया डेक (तला) थें तुं लसिवोगु रथया खतय् जहाजीत (लःजहाजया कर्मचारी त) थें नतुं द्यःपालाजुत थःथःगु थाय् काकां प्येपुनाच्वनी । अले रथया न्ह्याने लिउने धइगु मनूत त्याःचिक न्ह्यानाच्वनी । भारिनवसां छायापायानातःपिं किसित नं लुंग्रोहलं कयेकातःगु हौडाय् लाय्कूखलःया दुजः, भारदार त कुबिया बुलुंबुतुं न्ह्यावनाच्वनी । बाजागाजाया सलं तस्सकं न्ह्याइपुसेच्वंकातइ.”

अथेला वसपोल बंगम लोकेश्वरयागु रथ जात्रा दैय्दमं वइ, वनी । तर भीपिमध्ये आपासिनं वसपोल बंगम लोकेश्वरयागु ऐतिहासिक तथ्यपूर्ण खँ, वसपोलनाप स्वापू दुगु धर्म दर्शन पद्धति, वसपोलयागु रथया संरचना, विशुद्धि अर्थ आदि ध्वाध्वीक मस्यू, मथूथें च्वं । अकें वसपोल बंगम लोकेश्वरयागु बारे तथ्यपूर्ण खँ सीकेगु ध्वीकेगु साधन प्राप्त मजुल धाःसा श्व भीगु वर्तमान युगं हे भी अजू चायेकाः ह्येस्यानाच्वंगु दयेफु, भविष्यकालयागु युगंला धायेम्वाकहे अझ भीत अजू चाचां सराःहे नं बिइगु जुइफु । छायाधाःसानि, बंगम लोकेश्वरयागु बारे सुनानं छुं गुगुं न्ह्यसः तलधाःसा भीसं ‘मस्यू’ धकाः छ्यंहीकेगु हे जक जुइफु । थौं श्वहे खँयात वाःचायेकाः दूरदर्शीह्य पासा हेमराज शाक्यजुं परिश्रमपूर्वक आपलं अध्ययन अन्वेषण व अनुसन्धान यानाः श्री बंगम लोकेश्वरयागु रहस्य-विज्ञानं जायाच्वंगु श्व सफू भीगु न्ह्याने ब्वयाबिज्याःगु जुल । अझ थुगुहे प्रसङ्गय् छता खँ श्व नं धायेगु उपयुक्त जुइगु जि तायेका च्वना व छु धाःसां नि भित्तिसँदैति न्ह्यःहे नकि छयू गनं मतासे स्वीनिकु हाकःगु भव्यगु रथ दयेकाः उकी बंगम लोकेश्वर थनाः जात्रा हनेसःपिं पुर्खाजनपिनिगु अद्वितीय भावना व शक्तियात थौं भीसं नं थःपिनिगु राष्ट्र निर्माणया सन्दर्भय् छयलेम, लाच्वंगु जुल । मखुसा भी कतःयागुजक ख्वाः स्वइपि, कतःयाकेजक ल्हाहा फइपि जुयाः न्ह्याबलें ल्यूनेजक लाना-च्वनीगु जुइ । अकें थौं भीसं बंगम लोकेश्वरयात भीगु आध्यात्मिक एकताया स्रोतया ल्यूल्, प्रेरणाया

स्रोत नं भापियेमालाच्चंगु दु । वसपोल बुंगम लोकेश्वरयागु रथ सालिबले छ्यलावयाच्चंगु “हस्से-
हाइँसे” यात भीगु न्हूगु नेःपाया विकास कार्यस मूलमन्त्रकथं छ्यलेसयेकेमाःगु दु ।

हानं पासा हेमराज शाक्यजुं मांभाषा (नेपाल भाषा) यागु साहित्य धुकुतिइ तःधंगु चीधंगु
यानाः थ्यंमथ्यं ४० गु घइथें ग्रन्थरत्न दुथ्याका बिज्यायेधुंकल । थ्व नं छगू तःधंगु उपलब्धि हे
घायेमाल । आःला भन् भीगु मांभाय्यात भीगु न्हूगु संविधानकथं ‘राष्ट्रिय भाषा’ धकाःहे घोषणा
यायेधुंकूगु दु । थःथःगु मांभाषायागु माध्यमं भीसं भीगु राष्ट्रिय एकता, राष्ट्रिय संस्कृति व राष्ट्रिय
विकासय् तिबः जुइगु आपलं सफू पिकायेमाःगु जुल । पासा हेमराज शाक्यजुयागु सशक्तगु च्वस या
पाखें भीसं हानं थी थी विघाया अमूल्य ग्रन्थरत्न नं पिथनीतिनि घइगु कामना याये ।

श्री बुंगम लोकेश्वरं (**The Lord who looks down upon or hears the cries of the
world.**) पासा हेमराज शाक्यजुयात सदां सुस्वास्थ्य व मङ्गलमय सुख प्रदान यायेमाल । सुभाय् ।

यल (ललितपुर), बखुंबाहाः

—सत्यमोहन जोशी

बछालागा (ज्येष्ठकृष्ण) नवमी

नेपाल संवत् १९९९ (बि. सं. २०४८) -

निगू शब्द

पं. श्री हेमराज शाक्यजुं श्रीमद् आर्यावलोकितेश्वर वुंगमलोकेश्वर, करुणामययागु रथ व खःजलायात कया च्वयाबिज्यागु ग्रन्थया पाण्डुलिपि आद्योपान्त व्वनेगु सुवर्ण अवसर वस्पोलया पाखें प्राप्त जूगु शुभ अवसरयात कया उपरोक्त ग्रन्थसम्बन्धी निगू शब्द थन प्वकेगु धृष्टता याना ।

भगवान् बुद्धं समस्त प्राणीमात्रयात दुःखं मुक्त यायेत केनाबिज्यागु महाकरुणाया प्रतीक जुया बिज्यापि बोधिसत्त्वपि मध्ये अग्रस्थान कया बिज्याह्य आर्यावलोकितेश्वरयात भीगु नेपाले वुंगम लोकेश्वर, मत्स्येन्द्रनाथ वा करुणामय धका समस्त धर्मावलम्बीपिन्त मदेक मगागु महाकरुणाया अधिपति जुया बिज्याकह्य वस्पोल आर्यावलोकितेश्वरयागु इतिहास, धार्मिक महत्व, सांस्कृतिक सम्पदा इत्यादियागु कोष थेंहे जुइक हने वहह्य लेखकजुं थ्व ग्रन्थ रचना यानाबिज्यागुलि नेपाल संस्कृती छगू महत्वपूर्ण थाय् कयाच्वंह्य करुणामय, मत्स्येन्द्रनाथ, आर्यावलोकितेश्वर सम्बन्धी यक्वहे अनुसन्धान यानावःगु थ्व ग्रन्थ नेपा संस्कृतिया छगू सापहे महत्वपूर्णगु ग्रन्थ जुवोगु घयागु खँय् थ्व सफू व्वने धुंकीपि सुनं महानुभावपिन्सं निगू मत पिकाइमखु ।

महायान बुद्धधर्मया मूल आधार महाकरुणा खः, रागद्वेष मोहरूपि अविद्यायाना जन्म, जरा, व्याधिमरणया चक्रे थाःगाः मदेक चाचाहिला च्वपि प्राणिपिन्त 'ॐ मणि पद्मे हूँ' अर्थात् भ्यातनालं उत्पत्ति जूगु खःसाँ नालं मकीकुस्य बुद्ध जुया च्वंगु पलेस्वारूपी ज्ञाने प्रतिष्ठित जुया बिज्याह्य सम्यक् सम्बुद्ध अमिताभ तथागतयात शिरे धारणा याना देवलोक, मनुष्यलोक, पशुलोक, तिर्यकलोक प्रेतलोक व नरकलोक अर्थात् खूगु लोके लाना दुःखसिया च्वपि प्राणिपिन्थाय् वना भगवान् बुद्धं कना बिज्यागु चतुराय सत्य, आर्य अष्टाङ्गमार्ग व द्वादशाङ्ग प्रतीत्य समुत्पादया उपदेश बिद्या उद्धारयाना बिज्याना च्वंह्य षडक्षरी तथागत अर्थात् खूगु आखः (च्वेच्वयागु खूगु लोक) 'ॐ मणि पद्मे हूँ' धका मन्त्रोच्चारण याना वस्पोलयागु महाकरुणा प्रति कृतज्ञता स्वरूप अभिवादनयाना वयाच्वंगु धार्मिक, सांस्कृतिक व दार्शनिक निधिया मूर्तरूप श्रीमद्आर्यावलोकितेश्वरयागु महत्व, विशुद्धि, भावना, पूजा, वन्दनाया विसद् व्याख्या याना हनेवहह्य अनुसन्धाता लेखक हेमराज शाक्यजुं भीगू धार्मिक, सांस्कृतिक व दार्शनिक अनुसन्धानया खेले छगू तःधंगु अभाव पूर्ति यानाबिज्यागु जिं ताया ।

थेरवादी परम्परा अनुसारं शाक्यमुनि बुद्धं बुद्धधर्मया देशना यानाबिज्यागु खःसाँ थेरवादी परम्पराकथंहे अष्टाविंशति बुद्धगाथाकथं न्हापांहा बुद्ध तन्हंकर व शाक्यमुनि नीच्याहा खः । प्यहा बुद्धदीपंकरया पाले सुमेध ब्राह्मण जुया च्वंहा शाक्यमुनियात दीपंकर तथागतं प्यंगू असंख्य कल्प व छगूलाख दौलिपा सुमेध ब्राह्मण शाक्यमुनि बुद्ध जुया जगत् प्राणीपिन्त दुःखं मुक्त जुयेगु धर्मचक्रया प्रवर्तन याना बिज्याइ धका भविष्य व्याकरणयागु थेरवादी परम्परां न्हापान्हापा-यापि बुद्धपिनिगु उपदेश न्यना असंख्य बोधिसत्त्वपि अर्हंतपि जुया बिज्यागु परम्पराय् महायान परम्पराया महाकरुणाया प्रतीक श्रीमद् आर्यावलोकितेश्वरयात ऐतिहासिक दृष्टि न्हेगूगु शताब्दी नेपाले अनिकाल जूवल थौंकन्हेयां भारतया आसाम प्रदेशे च्वंगु कामरूप धैंगु थासे जन्म जुया बिज्याहा आर्यावलोकितेश्वरयात आचार्य वन्धुदत्त, जुजु नरेन्द्रमल्लदेव रथचक्रवाहक ललित डंगोल-पिनिगु प्रयासे नेपाले हया थन ललितपुर महानगरे प्रतिष्ठा याना भव्य रथ दय्का जात्रा यायेगु प्रथायात, उवलेनिसेंया जुजुपिन्सं, प्रजापिन्सं वस्पोल प्रति केना वयाच्वंगु श्रद्धा व भक्तिया धार्मिक, सांस्कृतिक, पुरातात्विक, ऐतिहासिक न्हाय्थे च्वंक प्रस्तुत जूगु थ्व ग्रन्थ तस्सकं महत्वपूर्ण जूगु जिं ताया । जन्म, जरा, व्याधि व मरणया चक्रं मुक्त जुयेमास्ति वःपिं समस्त महानुभावपिन्सं थ्व ग्रन्थया अध्ययन याना वस्पोल करुणामययागु महाकरुणाया प्रभावं भगवान् शाक्यमुनिं प्रवर्तन याना बिज्यागु चतुरार्य सत्य, आर्य अष्टाङ्गमार्ग व प्रतीत्य समुत्पादयात थुइका अमिताभ बुद्धया सुखावती भुवने वासलायेगु प्रेरणा प्राप्त जुइमा धका आशिका याना श्रद्धेय पण्डित विद्वान् लेखकयातनं बोधिज्ञान प्राप्त जुयेमा धका कामना याना ।

सुनय श्रीमिश्र संस्कारित

यम्पिमहाविहार, करुणाचक्र, यल

आषाढ कृष्ण (तछलागा द्वितीया)

आषाढ १५, शनिवार, २०४८

—प्रा. आशाराम शाक्य

थःगु छत्वाचा खँ

प्रस्तुत पुस्तक च्वय्या लागि प्रेरणा जितः सुनां बिल धइगु विषयय् प्रसंगवस थन छत्वाचा खँ न्ह्यथनेगु आवश्यक ताया । व छु धासानि थनी नीच्यादै न्ह्यः बंगछः सालाहःबले मंयोगवस उगू रथ स्यनालि जिगु छँ भोसूवल, लिधंवल तर उगू रथ पिया न्हूकथं दयकेमाःगु बाध्यता उत्पन्न जूगु जुल । अले रथ पिया न्हूकथं दयकेत बंगछः रथँ ल्येहेथना ववकाय्गु खँ सर्वसम्मति निर्णय जुल । उगू निर्णय अनुसार छः रथँ ववकाय्गुजा पवका जुल, बंगछः रथँ ववकया गन गुगूथासे तय्गु धईगु विषयनं चर्चा परिचर्चा जुयाच्वन । उगु ईले अप्वसिनं छप्वा म्हुतुं धाय्थें थैनाया शाक्यसिंहविहार (भन्तेवाहाले) तय्गु धाल । तर, दुःखया खँ उगू विहारया हालीम्वाली सर्वाधिकारी जिद्दीवारी जुया च्वंहा महा-स्थवीर धायकाच्वंहा भन्तेनं धाःसा स्वीकृति मव्यू । थथे नेपाया बौद्ध संस्कृति प्रति अमहमति जुसेलि टोलवासि दाजुकिजापि सकसिनं जिगु क्यववारी तय्गु निर्णय याना जिके अनुमति काःवल ।

थुगू महान् सुदूर्लभ संयोगवस अहोभाग्यं चूलावःगु अपरिमित पुण्यकार्य खः धका भापिया अपार हर्षपूर्वक सहस्र स्वीकार याना जि स्वीकृति प्रदान याना । तदनुसार जिगु क्यवस श्री आर्यावलोकितेश्वर बृंगमलोकेश्वर बिज्याकूगु जुल । थ्वहे क्यवस लच्छित विज्याका रथ दयके सिधसेलि २०२० साल ज्येष्ठ २९ गते सोमवार सुथे ११ बजे श्री करुणामय बृंगमलोकेश्वर विधिवन् रथस बिज्याकूगु जुल ।

थुगु किसिमं जिगु क्यवस श्री करुणामय बृंगछः बिज्यासां जि वसपोलयात यथोचित स्वागत सन्मान पूजा भावभक्ति छुं याय्मफु अथेनं जि थ्व मतीतया शुभसंकल्प भाकलयाना कि-

जि सःथें, स्यूथें, थूथें व खँथें वसपोल श्री आर्यावलोकितेश्वर करुणामय बृंगलोकेश्वरयागु गुण-वर्णय सहितया वचाधंगु सफूचा छगू च्वया प्रकाशन याय्फय्मा धका दुनुगलनिसें आशिका याना च्वनागु जुल ।

थथे आशिका यानाच्वंसां थःगु घरगृहस्थ पारिवारिक समस्या व तन्ता अलमलं याना नीन्ह्युद् तकनं अनेक प्रकारया वाधाअर्चनं याना उगु ज्या न्ह्याकेमफुत, पनाच्वन, लिकुनाच्वन ।

तर, बल्लतल्ल थूगुसी २०४८ सालं १२ वर्षया मेला छः बृंगं साला हईगु जुसेलि वसपोलं जित

संचोदना विईथें छन्हू अकरमात् सपनाय् दर्शन बिया बिज्यात । अले नसँचाईयागु प्रहरे न्ह्यलं चामेंलि जि थतिथमं तस्सकं लाचार जुया थूगु सफू च्वय्गुलि हरतरहनं कोशिस याना निर्विघ्नपूर्वक थूगु सफू च्वया सिधय्कागु जुल । फलस्वरूप पाठकपिगु न्ह्यःने तय्गु सौभाग्यनं जित प्राप्त जुल ।

थ्वहे सफू खः जिगु निश्चयरूपि छपवः स्वाँ थौं वसपोल करुणामयया श्री चरणकमल पादुकास सश्रद्धा व भक्तिपूर्वक समर्पण यानागु जुल ।

लिसे लिसें प्रस्तुत पुस्तक प्रकाशन निम्ति काय्चा राजकुमार शाक्यनं धर्मचित्त उत्पत्ति याना सहर्ष सम्पूर्ण आर्थिक अभिभार कुबिया प्रकाशक जुया बिल । थ्वया नापनापं प्रस्तुत पुस्तकया पाण्डुलिपि आद्योपान्त अध्ययन याना दिक्क व अलासि मचासें अनुकम्पा तसें यत्रया प्रतिष्ठित निह्य विद्वान् दाजु श्री सत्यमोहन जोशी व पाशा प्रा. आशाराम शाक्यजुं थःथःगु मन्तव्य च्वया सफूया महत्व अभिवृद्धि याना बिल । अथेहे पासा पं. श्री पूर्णरत्न वज्राचार्यजुनं थाकू मचासे प्रेस सम्बन्धी ज्याखँ मागूतक सहयोग प्रदानयात । अकिं थूगु विषयय् वसपोलपिन्त जिगु दुनुगलनिसें हार्दिक कृतज्ञता ज्ञापनयासें सहर्ष धन्यवाद बियाच्चवना ।

थूगु सफू हथासं सिधय्कागु जूया निम्ति थुकी गनं द्वं बिद्वं जूगु दतधासा क्षमा पवसें विज्ञपाठकपिगु सुभाब व आलोचनायातनं सहर्ष स्वागत यानाच्चवना ।

थूगु पुस्तक च्वयागु पुण्यानुभावं दिशा भिगु बखत स्वंगु मङ्गलसुख प्राप्त जुईमा । अन्तस सकल प्राणिपिन्त सम्बोधिज्ञान लाभ जुया श्री आर्यावलोकितेश्वरया गुरु धर्मस्वामि श्री अमिताभ तथागत बिज्याना च्वंगु सुखावती भुवनस वास लाईपिं जुईमा । अस्तु ।

शुभमस्तु सर्वं मङ्गलं भवन्तु

बुद्ध सं. २५३५ आषाढ २० बृहस्पतिवार
ने. सं. १९९१ जयवरसिद्धि खेल यात्रा
बि. सं. २०४८ (जावला जात्रा)

—हेमराज शाक्य
ललितपुर, महाबुद्ध,
१२/६८ थैना, जयश्री विहार
फोन नं. ५२३२५०

ॐ नमः श्री आर्यावलोकितेश्वराय ।

श्री करुणामय बुद्धमलोकेश्वरया सांस्कृतिक-पृष्ठभूमि संक्षिप्त-परिचय

विशाल भारत व महान्देश चीनया दथुस च्वंगु संसारया दकले सकले तःजागु च्वापुगुंया क्वमं वासयानाच्चंगु, जम्बुद्वीपया मूलगु, पूण्यभूमि सुन्दरशान्त विशालगु बुद्धजन्मभूमि नेपाःदे खः । थ्वहे नेपाःदेया केन्द्रवर्ति हृदयङ्गम-स्थल प्यखेरसं तःतःजागु ऐतिहासिक वनजंगल पहाडपर्वतं चाहुला च्वंगु, काठमाण्डू उपत्यकाया श्रीशोभा जुयाच्चंगु आदिबुद्ध ज्योतिरूप श्रीस्वयम्भू महा-चैत्य जुल । थ्वहे आदिबुद्ध श्रीस्वयम्भूया ल्युल्यू धर्मश्री प्रज्ञापारमिता गुह्येश्वरी प्रकट जूगु जुल । नापनापं अनेक शुभसंस्कृति प्राचीन कलाकौशल, विहार, मथ, मन्दिर चैत्ययाक्यें जायाच्चंगु कलाकारजनपि वासयानाच्चंगु, उद्योग प्रधानगु चक्राकाररूपे परिणत अशोकपट्टन ललितपुर सहरया अधिपति संघनायक वोधिसत्व महासत्व महाकारुणिक श्री आर्यावलोकितेश्वर करुणामय बुद्धमलोकेश्वर बिराजमान जुयाच्चंगु यलदेश खः ।

धाट्थ्यें धाय्मालधासा गुखून्हू यलदेशे वृष्टि- देव श्रीकरुणामय वुंगद्यो यले विज्याकल उगू शुभदिननिसें थौतकनं वसपोलयागु हे अधिराज्य थें जुयाच्चन ।

खनंखः भीसं न्ह्यागु छगू पूजायासां सर्वप्रथम पूजाभः संकल्पयाय्त महादानवाक्य व्वनीबले 'नेपाल मण्डले ललितापुर महानगरे श्रीमदार्या- वलोकितेश्वर विजयराज्ये'- धका पूजाभः संकल्प याना वईच्चन । थ्व सकसिनं स्यूगुहे खँ खः ।

अकिं थन श्रीकरुणामयया न्ह्यागु ज्याखँय् नं राजा प्रजा सकसिनं उतिकं थ्रद्धा व विश्वाम तया वयाच्चन धाय्कि- गुलिनं नेपालदेशस अनेकप्रकारया ऐतिहासिक, सांस्कृतिक पृष्ठभूमि दर्ईच्चंगु देवीदेवतापिगु जात्रा उत्सव पर्व दर्ईच्चन । उलिमध्येनं विशिष्ट गौरव व महत्वपूर्णगु, सर्वश्रेष्ठगु, विशालगु, आपालं लस्करं ह्वागु श्रीकरुणामयया रथजात्रा जुयाच्चंगु जुल । थ्वहे कारणं याना मत्स्येन्द्रपद्यशतक नाम ग्रन्थस थथ्ये उल्लेख यानातःगुदु कि-

गत्स्येन्द्रस्य समा यात्रा

नास्ति ब्रह्माण्डमण्डले . .

थुगू जात्राउत्सव तस्सकं गम्भीर, लोकप्रिय, विचित्र भावपूर्ण विधिसम्पन्न क्रियायुक्तगु, आश्चर्य अद्भुत घटना इतिहास साक्षि दर्ईच्चंगु, देश नरेश जनता जकलयातनं हितकरगु मत-

मतान्तर साम्प्रदायिकभावं रहितगु, अनेक भक्तजनपिङ्गु अचिन्त्यपूजासंभार प्रवर्षण जुयाच्चंगु, विविध स्तोत्रपाठ, संगीत नृत्यद्वारा स्वागत सम्मान प्राप्तगु, नानाप्रकारया उत्सव समारोहयाकं मनोरञ्जनगु, लौकिक लोकोत्तरया ज्ञान गुण लक्षणं संयुक्तगु, अनन्तवर्षतकनं क्षमताप्राप्त पृथ्वीयात सौभाग्यलाभ जुईगु, अतिगम्भीर भावपूर्ण मनमोहक रथप्रस्थान व संसार निर्वाण एकत्वरूप तथा अपारकरुणा, अथाहज्ञान, अचिन्त्य उपायकुशल चर्याया साकाररूप सुन्दर शान्त भव्य साक्षात् प्रत्यक्ष महाकारुणिक सजीवमूर्ति, वृष्टिदेव- विश्वनाट्यसूत्रधार- योगिन्द्रवन्द्य- सिद्धनाथ- मत्स्येन्द्रनाथ- भक्तचिन्तामणि- बुद्धअमिताभमौलि, त्रैलोक्यनाथ- सुभिक्षदेव- गोरक्षगुरू- नेपाल- पाल- मणिपद्मधर- सर्वलोकवन्द्य- महायानप्रवर्तक श्रीमत् आर्याविलोकितेश्वर करुणामय विश्वरूप धका विभिन्न अभिलेखे विभिन्ननामं सम्बोधन याना वईच्चंगु जुल ।

थर्थिजागु सुप्रसिद्धगु, श्भसंस्कृति लक्षणं पूरेजुगु, सर्वगुण सम्पन्न रथजात्रा भीगु जन्मभूमि अशोकपट्टन ललितपुर महानगर यलदेश भः भः धायक देशव्यापि दयंछक अतिभव्यनवसां राजा प्रजा सकलसिनं श्रद्धापूर्वक धुमधामनकसां परम्परागत मानेयाना वईच्चंगु जुल ।

अकिं वसपोल करुणामययात केवल बौद्ध, व शैवतयसंजक आस्था तयावईच्चंगु मखुकि, परन्तु वैष्णव, शाक्त, वैदिक एवं योगि तथा सौरसम्प्रदायिपिन्सनं उत्तिकं स्वागतसम्मान यानावईच्चंगु खने दु । थुक्किया ज्वलन्त प्रमाण जुजु श्रीनिवासमल्लं च्वके व्यूगु काशिसहरया प्रकाण्डपण्डित नीलकण्ठ- भट्टजु रचना यानातःगु 'मत्स्येन्द्र पद्यशतक' नाम ग्रन्थे थथ्ये प्रशंसा यानातःगु दुः-

यं विष्णुं प्रवदन्ति वैष्णवगणाः
शैवाः शिवं शक्तिकाः ।
शक्ति भाष्करभक्तिका दिनमणि
ब्रह्मस्वरूपं द्विजाः ॥
मत्स्येन्द्रं मुनयो वदन्ति सततं
लोकेश्वरं बुद्धकाः ।
अन्ये तं करुणामयं प्रतिदिनं
तं नौमि लोकेश्वरम् ॥

अतःएव थुगू श्लोकया प्रमाणकथं बुंग्दयोया रथ दयकूबलेनं ब्रह्मा, विष्णु, महेश्वर व करुणामय प्यह्यं छह्य खः धैगु मंकेत रथेच्चंगु खः जलाया सप्तहंस, सप्तगरुड, सप्तवृषभ व ब्वसिह तयातःगुलि थ्व खँयात स्पष्टयाना व्यूगु दु । बुंग्दयोया विविध उत्सवपर्व (पूणी, अष्टमि, चरे, औसि) मव्येसं संक्रान्तियात मुख्य मानेयाना सँल्हूगुथियात महत्व वियातःगुलि सौर्य सिद्धान्त अनुसार- बुंग्दयो सूर्ययानं प्रतिनिधित्व यानाच्चह्य खः धैगु भाव वयनातल । अकिं वसपोल करुणामययात गनंगनं थथेनं धयातःगु दु-

उदये ब्रह्मणो रूपं मध्यान्हे च महेश्वरः
अस्तमाने स्वयं विष्णुः, त्रिमूर्तिश्च दिवाकरः ।

थ्वसपोल करुणामयं आदिवुद्धपिङ्गु व्याकरण अभिषेक कया बुद्धपिङ्गु आज्ञानुसार जगतोद्धार याना बिज्याह्य जूयानिम्ति ध्यानि अमिताभ तथागत थ्व सिरे तयातल, लिंते रथया प्यखेरं

च्वंगु लुखाफुसेतयातःगु तौरणेनं अमिताभे तथागत हे तथातल । अज वसपोल विराजमान जुईगु रथया दकले सकले च्वय् ग्वाराबाय्मो धकिबाय्मोयानं द्योने स्वयम्भू आदिबुद्ध विज्याकातल । अकि वसपोलयात स्तोत्र गीत भजन याईबले न्ह्याथाय् न्ह्याबलें सुखावति भुवनया धर्मस्वामि श्री अमिताभ तथागत शिरे धारणयाना विज्याह्य धका वर्णन याना तईतल । थ्वहे गुरु श्री अमिताभ तथागत शिरे धारणयाना विज्यागुया अनुभावे वसपोलया ऊन श्रीमूर्यथें ह्याउँवर्ण ह्याउँरस्वाल जूगु धका धयातल ।

प्रसङ्गवस थुथास वसपोल करुणामय अवलोकितेश्वरया— धर्म, दर्शन, कला व संस्कृति विषय छकनं लुमंका स्वय्—

अवलोकितेश्वरया मूल उद्देश्य खः प्राणिमात्रयात हितसुख शान्ति निम्ति बोधिचित्त महाकरुणा उत्पत्ति याना सदासर्वदा पारमितचर्या (दान, शील, क्षान्ती, वीर्य, ध्यान, प्रज्ञा, उपाय, प्रणिधि बल व ज्ञान) स कोशिस यानाच्चनि । मेगु अर्थे, थ्व धाय्फुकि— 'सर्वसत्त्वहिताय सुखाय' आदर्शमय गुण प्रचारप्रसारया निम्ति अचिन्त्य उपायकुशलज्ञानय् न्ह्याबले प्रयत्नयाना च्वनि । तर थुलि जक मखु प्राणिमात्रयात हितसुख व उद्धार निम्ति सम्पूर्ण विषयवस्तु प्रपञ्चजगतयात सदुपयोग्य ह्वेया लागि यथार्थरूपं विशुद्धरूपं अवलोकन याना अन्तस सर्व धर्मशून्यता व महाकरुणायुक्त विशुद्धसम्यक्-दृष्टि संसार निर्वाणयात खँका च्वनीह्य जुई । थ्वैत हे शरणदक्कया मूल आधार धका मानेयाना तल । यदि गुलसिके बोधिचित्त महाकरुणा मन्तधासा वैगु ज्ञान, गुण, शिल्प, ऋद्धिप्राप्तिहार्यया छुं प्रयोजन मदु । अकि थ्वहे खँयात कया आचार्य शान्तिदेवं शिक्कासमुच्चय ग्रन्थे थथे धयातःगु दुः—

विना सत्त्वहितार्थेन

कि शुभेन प्रयोजनं ?

अकि महायानी अष्टबोधिसत्त्वपि मध्ये अवलोकितेश्वरया स्थान दक्कसिवे च्वय्ला । थुमिगु नाम थथे खः— आर्यावलोकितेश्वर, मञ्जुश्री, वज्रपाणि, समन्तभद्र, सर्वनिवरणविष्कंभि, क्षितिगर्भ, गगन-गञ्ज व मैत्रेय । थुपि अष्टबोधिसत्त्वपिन्सं सत्त्वहितार्थ निम्ति छगुनं छगू विशेष अधिकार धारणयाना च्वंगु दु. गथे कि—

अवलोकितेश्वर महाकरुणाया आधिकारिक जूसा, मञ्जुश्रीनं प्रज्ञाज्ञानया प्रतिनिधित्व याई । वज्रपाणि ऋद्धिपराक्रम बलया प्रदर्शन यातधासा, समन्तभद्र अचिन्त्य पूजासम्भार अभिवृद्धि याई । अथेहे गगनगञ्जं योगसमाधिया शिक्षाय् निपुण जूसा, सर्वनिवरणविष्कंभिनं फुक्क प्रकारया क्लेशपरिशुद्ध याय्गुलि कुशल जुई । अथेहे अनागत कल्पे वेईपि प्रियाप्रिय निम्ति अनेकतां संकीर्ण जुया दुःख-सिया च्वपिन्त विशुद्धमैत्रिधैर्यया प्रतिज्ञां प्राणिपिन्त सम्बोधिज्ञाने तया उद्धार याई । थ्वहे महायानी परम्पराया विश्वास खः ।

थथेहे हानं भिनिगु महिनाय् भिनिगुहे प्रकारया लोकेश्वरपि उपस्थित यानातःगु खने दु । थुमित द्वादश लोकेश्वर नामं प्रसिद्ध जुयाच्चन । अकिहे करुणामया गुथि प्रत्येक सत्त्वहृपतिकं मानेयाना वेईच्वंगु खने दु । कारण, प्रत्येक महिनाया प्रारम्भदिन अर्थात् सँलहू खुन्हू करुणामयनं छगूनं छगु अभिनवरूप धारण याना भक्तजनपि उद्धार निम्ति दर्शन बिया विज्याई धँगु मनं तुना सँलहूया दिने विशेषयाना करुणामय दर्शन यावनेगु परम्परा चल्य जुयाच्चन । गथे कि—

- १) षडक्षरी लोकेश्वर कार्तिक
- २) श्रीमल्लोकेश्वर मंशिर
- ३) हालाहललोकेश्वर पुस
- ४) खसर्पण लोकेश्वर माघ
- ५) सिंहनाद लोकेश्वर फागुन
- ६) हरि हरि हरि वाहन लोकेश्वर . . वैशाख
- ७) पद्मनृत्य लोकेश्वर चैत
- ८) त्रैलोक्य वंशकरी लोकेश्वर ज्येठ
- ९) रक्त लोकेश्वर आषाढ
- १०) नीलकण्ठ लोकेश्वर श्रावण
- ११) मायाजाल लोकेश्वर भाद्र
- १२) कारण्डव्यूह लोकेश्वर आश्विन

थुगू अनुक्रम कार्तिकनिसैं शुरू जुई । थुकी छगु रहस्य सुलाच्चंगु दु । कारण थुगु महिनाय नेपाःया थःगुहे पनदुगु धार्मिक सहिष्णुता धाय् अथवा बौद्ध शैव सम्बन्धि अनोठ सांस्कृतिक परम्परा धाय् कि कार्तिकशुक्ल अष्टमि अर्थात् मुखाष्टमिया दिनस पशुपतिनाथयात स्वयम्भू बुद्ध भगवानया मुखलं पुईक्यगु बौद्धपद्धति अनुसार पूजायाईगु दिन जूगुलि । थुखुन्हू बौद्ध धर्मावलम्बिनि पशुपतिनाथ दर्शन यावनी । अज, गुण कारण्डव्यूह ग्रन्थ अनुसार— अवलोकितेश्वरं महादेवयात भविष्य भूमेश्वर तथागत जुईतिनि धका धयातःगु दु । थ्वहे आधारकथं परम्परानुसार थौतकनं बुंगदयोया रथया ल्युने भूमेश्वर तथागत अनुरूप भुईमहादयो नानं छगू मूर्ति तथा वईच्वन । थ्वहे भुईमहादयोयात हे कालान्तरे बुंगदयोया प्रतिनिधित्व याना रथजात्रा याईतिनि धैगु जनविश्वासनं मदुगू मखु । थुहा भुईमहादयोयात सुकुण्डल देवपुत्र धकानं सम्बोधन याना वईच्वन । थ्वहे सुकुण्डल देवपुत्रयात वन्धुदत्त वज्राचार्यजुं रचना यानातःगु वसपोल करुणामययागु करुणास्तवस्तोत्रय् दिविकुण्डल धका धयातल, व श्लोक थथ्ये खः—

गत्वा च येन दिविकुण्डलदेवपुत्रान्
दानस्य हीन क्षुधपीडितदुःखिताश्च ।
तं याचयन्ति परिपूर्णं—समृद्धिरत्नं
तं पद्मपाणिधनकरं (प्र) नमामि देवं ॥१३॥

थुगूहे रूपं महाकारुणिक अवलोकितेश्वरया प्रतिमूर्ति केवल भिनिगुजक मजुसे प्राणिपिगु हित सुखशान्तिया लागि सम्बोधिज्ञान प्रचारप्रसार निम्ति वसपोलया दिव्यऋद्धिया प्रभावं कार्यकारण-भेदं थाय् व अवस्था स्वया अचिन्त्य उपायकुशलज्ञान सिया बिज्याह्य जूया निम्ति वसपोलं सच्छिच्यागु १०८ रूप धारण याना अवतार कया बिज्यागु दु धैगुनं बौद्ध साहित्यय् उल्लेख जुयाच्चंगु दु । थुकिया ज्वलन्त प्रमाणया आधार कथं भी श्रद्धेय पूर्वाचार्यपिन्सं कान्तिपुर महानगरया श्री कनकचैत्य महाविहार (जनबाहाल) स च्वंगु जमललोकेश्वर श्रीकरुणामयया मन्दिरस चित्रकलाया रूपे प्रदर्शित यानातःगु दु । थुगू प्राचीन चित्रमयमूर्ति प्राकृतिक तथा मानवीय प्रकोपद्वारा आपालं विनष्ट जुसेलि

पुनः वि. सं. २०२३ सालं उगु सम्पूर्ण चित्रयात नवजीवन प्रदान यात । थुगु सुन्दरकलात्मक चित्र च्वय्गु ज्या येया पारावर्त्तमहाविरया नवयुवक शाक्यभिक्षु सिद्धिमुनिपाखें सुसम्पन्न जुल । थुगु चित्रमयप्रतिमा दर्शनयापिन्सं वसपोल कलाकारयात प्रशंसा मयासैं च्वने फईमखु । थुगु प्रकारं सछिच्याह्य लोकेश्वर करुणामयया गुणगौरवप्रति श्रद्धां अभिप्रेरित जुया अज मध्यपुर थिमिया श्रीकरुणामयया देगले नं १०८ लोकेश्वरया चित्र च्वकेगु ज्या जुल । हानं थ्वहे आदर्शयात अनुशरण याना नालागिरीग्राम नालादेशया श्रीकरुणामयया देगलेनं संगमर्मर तुयू लोहया १०८ ह्य लोकेश्वरया मूर्ति दय्का वि. सं. २०४७ साल पुसमहिनां विधिपूर्वकं समारोहयाना प्रतिष्ठा यात । थुगु मूर्ति नाला लोकेश्वरया सेवाखलकर्पिगु अनुरोधकथं यल मयूरवर्णमहाविहारया कलाकार हिराकाजी वज्राचार्यजुं दय्का व्यूगु जुल । अज थ्वहे आदर्शप्रति ध्यानाकर्पित जुया कनकचैत्य महाविहारया श्री करुणामयया सेवाखलकर्पिगु सामुहिक श्रद्धा दानशीलया प्रयासं १०८ ह्य करुणामयया सिजः पाताया मूर्ति दय्का लुंसिया कनकचैत्य महाविहारस सुप्रतिष्ठित यायेगु आयोजन कथं थौंकन्हे ज्या शुरूहे जुया च्वंगु दु । थुगु मूर्ति दय्कूह्य कलाकारपिं यल महाबुद्ध थैनाया नवयुवक राजकुमार शाक्य व रुद्रराजपिन्सं धमाधम ज्या न्ह्याकाहे च्वंगु जुल । थौंयागु वैज्ञानिक युगे वयानं थुगु रूपं वसपोल करुणामयया मूर्ति, चित्र निर्माणकार्यया अभियान हे जाहेर हे जुया च्वनतिनि । थ्वहे सन्दर्भे जितः थ्वनं धायमास्ते व— थुगुहे वर्षे बृंगछःया १२ वर्षया मेला जुगु शुभ उपलक्ष कया छह्य श्रद्धालु दानपतिनं बृंगछःया रथया लुंसाहा सुवर्णविमान अति जीर्ण जुया च्वंगु महसूस याना करीव भिक्षुगु लाख दां खर्चयाना न्ह्याः याना श्री शोभा अभिवृद्धि याना व्यूगु जुल । थुकीया श्रद्धालु दानपति यल थतिटोल निवासी खड्गी सुन्दरलालजीया सपरिवारपिगु सद्दर्भचित्तया प्रेरणा जुल ।

अज थुलिजक मखु विशाल बौद्ध साहित्य सूत्र, तन्त्र अध्ययन अनुसन्धान याना स्वल्पासा वस-पोल अवलोकितेश्वर करुणामयया स्वसः व खुईह्य ३६० ह्य लोकेश्वरया नामावलि उल्लेख जुया च्वंगु खनि । तर, थूगु ३६० लोकेश्वरया नां लुईकेगु गुलि सुलभ खः, उलिहे ध्यानरूप लुईक्येगु दुर्लभ । थुगु विषये संगठित प्रयास अध्ययन अनुसन्धान बिना अपुक लुईक्ये फेगु लक्षण मदु ।

खतु भीथाय् प्राचीन विहार व मन्दिर स्ववनेबले देग-देगले अंकित कलात्मक काष्ठमय लोकेश्वर मूर्ति बिलौपौ तुनासि खनाच्चना— यलया तःवाहाया बृंगछःया देगः येया जनवाहाया करुणामयया देगः, अथेहे स्वपया चतुर्बाह्यविहारया बिलौपौति विभिन्न लोकेश्वरया मूर्तित खनाच्चना उषि व्याक्व सछिच्याह्य १०८ लोकेश्वरया ध्यान अन्तर्गतहे जक सिमित जूगु जुल ।

महायान बौद्ध देशपतिकं आर्यावलोकितेश्वर करुणामय प्रति आपालं श्रद्धाभक्ति निश्चय पिज्वया च्वंगु खनेदु । थाय्कि उदाहरणया लागि— नेपाले प्यह्यं करुणामय— बृंगछः, चोभाछः, जनवाहाछः,

नालालोकेश्वरया महिमा गुलि प्रसिद्ध जू अथेहे चीनया प्रसिद्धयात्रि ह्वयेन्साङ्गया भारतयात्रा वृत्तान्त धाःगु इतिहास सफू स्वयंबलेन वसपोल अवलोकितेश्वर करुणामयया अपार महिमा दु धंगु भीसं अपुकहे अनुमान याय्फु । थुलिजक मखु चीनदेशे हरेक गुम्बा-गुम्बाय् विहार-विहारे वसपोल करुणामयया मूर्तित सुसज्जित याना तयातःगु दु । अथेहे जापानेन क्योटोसहरे च्वंगु साचिसाङ्गेडो नामक सुप्रसिद्ध मन्दिरे दुने एकादश लोकेश्वर (सहस्रभुजलोकेश्वर) या १००१ द्दछिव छह्य सुन्दर कलात्मक काष्ठमय मूर्ति स्थापना यानातल । थुगूहे रूप कोरिया, मङ्गोलिया देशेन उतिकहे सन्मान याना तईतःगु दु । अथेहे उत्तरीय हिमालय प्रदेश ल्हासा, भिखाछे, क्यरू, भुटान व लद्दाख आदि थासेला गोम्पोच्येन्रेसि नामं अवलोकितेश्वर करुणामयया मूर्ति गुम्बागुम्बापत्तिकं धयाथे प्रतिष्ठा याना तयातल ।

अपशोचया खँ बुद्धकर्मभूमि भारतेला थौकन्हे अवलोकितेश्वरया मूर्ति निर्माण, पठन पाठन पूजा एवं जात्रा उत्सव माने याय्गु जीवित संस्कृति परम्परा तुते जुई धुक्सां न्हापा न्हापा विश्वप्रसिद्ध अजन्ता गुफा निर्माण ईले व बौद्ध विद्याकेन्द्र नालन्दा विश्वविद्यालय, विक्रमशील विहार, तक्षशीला एवं ओदन्तपुरी जगदलविहार आदि स्थानसं बौद्ध धर्म, बौद्ध दर्शन, बौद्ध कला व बौद्ध संस्कृति अध्ययन अध्यापन जुयाच्वंगु ईले अनया प्रसिद्ध बौद्ध विद्वान् आचार्यपिंगु कुशल नेतृत्वया गुलिनं महायानी बौद्ध मूर्ति निर्माण जुल, स्थापना जुल । उकी मध्यय् अवलोकितेश्वरयानं विशेष स्थान दईच्वंगु जुल । थ्व खँ प्राचीन भारतीय पुरातत्त्व इतिहास ब्वनेबले स्पष्ट जू । गुगू प्राचीन भग्नावशेष जुगु थासे उत्खनन याना प्राप्त जूगु अवलोकितेश्वरया मूर्तित नालन्दा, सारनाथ एवं बुद्धगयाया संग्रहालयसं प्रदर्शित जुयाच्वंगु दु ।

खतु, नालन्दा, तक्षशीला, विक्रमशील विद्यालयसं अध्ययनं अध्यापन याना उत्तीर्णजूपि बौद्धाचार्यपिन्सनं ईले बिले अवलोकितेश्वर प्रति श्रद्धाभक्तितया साधन यानावंपिनं मदुगू मखु, धाय्कि उदाहरणया लागि-^१

- १) आचार्य पद्माकर, स्थवीर अनूपमरक्षित्जुं खसर्पणलोकेश्वर साधन याना वन ।
- २) सिद्ध अवधूतपाद व अद्वयवज्रजुं सिंहनाद लोकेश्वर साधन याना वन ।
- ३) सिद्धसरहपादजुं त्रैलोक्यवशंकर लोकेश्वर साधन याना वन ।
- ४) आचार्य प्रज्ञापालिजुं हालाहल लोकेश्वर साधन याना वन ।
- ५) आचार्य सर्वज्ञमित्रजुं षडक्षरी लोकेश्वरया षडक्षरीस्तव नाम स्तुति रचाना याना वन^२ ।

१. साधनमाला, प्रथम भाग

२. बौद्धग्रन्थ सूची, राष्ट्रिय अभिलेखालय-सम्पादन, पूर्णरत्न बज्राचार्य

६) आचार्य वज्रदत्तजुं 'लोकेश्वरशतक' नाम ग्रन्थ रचना याना थकल ।

७) एवं रुपं नेपाले प्रचलित जुयाच्चंगु ग्रन्थ व तुतः सफूलि निम्नलिखित साधकपिंगु नां न्ह्यथना तल-

गुणकारण्डव्यूहे - मृष्टिकर्ता लोकेश्वर
स्वयम्भू पुराणे - हरि हरि वाहन लोकेश्वर
उपोषधव्रतकथास - अमोघपाश लोकेश्वर
कारण्डव्यूहे - षडक्षरी लोकेश्वर
धारणी संग्रहे - सहस्रभुज लोकेश्वर
चरपतिपादजुं - देवमनुष्य तुतः देकल
बन्धुदत्ताचार्यजुं - स्तुत्वाप्रण तुतः देकल
अनन्तनागराजं - कामरूप तुतः रचनायात
चन्द्रकान्ता भिक्षुणीनं - भुवनत्रय "
भूपति नरेन्द्रदेव - रूपस्तव स्तोत्र "

खासयाना काठमाण्डू उपत्यकाय् दुने च्वंपि प्रायः बौद्धतय्गु छँ छँ विहार विहारे अवलो-
कितेश्वरसम्बन्धि मूर्ति, चित्र, ग्रन्थ (गुण कारण्डव्यूह, कारण्डव्यूह, करुणापुण्डरीक, सुखावतिव्यूह,
अष्टमिव्रतकथा एवं अमोघपाशसूत्र) आदि व अस्तिगुथि, सँलूगुथि, न्हवंगुथि छगुनं छगू अवश्य
दयाहेचवनी । थथे करुणामय सम्बन्धि सांस्कृतिक वस्तु थःथःपिंगु छँ तयातय्गु विशेष गौरव भाःपा
च्चनी ।

अवलोकितेश्वर करुणामय बृंगद्यःयात भीगु सांस्कृतिक परम्परानुसार विविध कारणवस विविध
नामं सम्बोधन याना वईच्चंगु खने दु, गथे कि-

करुणामय,- लोकनाथ- पद्मपाणि- लोकेश्वर- मणिपद्मधर- अमिताभमौलि- बृंगमेश्वर-
बोधिसत्व- महासत्व- महाकारुणिक- आर्यावलोकिवेश्वर- वृष्टिदेव- मत्स्येन्द्रनाथ- गोरक्षनाथ गुरु-
नेपालपाल- ललितपुराधिराज आदि नामं विख्यात जुयाच्चन । थ्वसपोल तस्सकं लोकप्रिय देवता
जूया निर्मित नेपालभासं लस्कःद्यः धकानं धाई ।

प्रसङ्गवस थन वसपोल आर्यालोकितेश्वर करुणामयया ऐतिहासिक पुरातात्त्विक आधारकथं
गुलितक प्राचीनता दु धंगु विषय कयानं छत्वाचा खँ न्ह्यथने-

खंतु आर्य अवलोकितेश्वर करुणामयया आदर्शयागु परम्परा अनेक बौद्धसूत्र तन्त्र उपोषधव्रत
कथा व बोधिसत्वजीवनी महायानी जातककथा अध्ययन अनुसन्धान याय्वले कल्पानकल्प वर्ष न्ह्यो-
निर्येयागु वर्णन याना तैतःगु खनेमदुगु मख्खु । तर, प्राचीन लिपिवद्ध प्रमाण धासा दुर्लभथे जुयाच्चन ।

थौयागु वैज्ञानिक युगे पौराणिक कथा व परम्परागत जनविश्वास अनुश्रुतिया जक आधारयात कया जकनं गौरव व सन्तोष यांना चवनेगु थ्व थौयागु ईयात मलोगुथें जुई धुंकल । उकि पुरातत्त्वान्वेषक तय्गु धारणा थ्व दु कि- भीसं अतीतकालया गौरव व प्रशंसा न्यनेगु स्वयानं थःगुहे मिखां अवशेषया रूपेजक जूसां स्वय्दैगु सार्थक खः, महत्वपूर्ण विषय खः धका प्रमाणित यांना वईच्वंगु खने दु ।

थ्वहे विषये ध्यानाकर्षित यासे श्री आर्यावलोकितेश्वर करुणामयया पुरातात्त्विक आधार पृष्ठ-भूमि प्रस्तुत उपलब्ध प्रमाण प्यंगु खुगू उदाहरणया लागि थन न्ह्यब्वयेगु कुतःयाय्-

विश्वप्रसिद्ध विद्वान् महापण्डित राहूल सांकृत्यायणजुं चवया बिज्यागु 'मेरी जीवनयात्रा' सफूया निगूगु भाग पृष्ठ ६०४ स अवलोकितेश्वरया प्राचीनता विषय कया थथे उल्लेख यांना तैतःगु दु-

१) कुषाणकालीन इस्वीपूर्व प्रथमशताब्दी पाखेयागु अर्थात् नीछसःदँ पुलांगु अतिसुन्दर प्रस्तरमूर्ति ५।६ न्यालंगु खुलंगु दुगु मूर्ति लुम्बिनीस उत्खनन यांना म्हुयास्वबले लुईकूगु खना धका चवया-तल । उबलय् अवलोकितेश्वरया मूर्ति श्री ५ या सरकार पुरातत्त्व विभागसं सुरक्षित यांनातःगु खः । थुगु मूर्ति सौभाग्यवस जिनं दर्शन याय् धुंगू खः । तर अपशोचया खँ दुर्भाग्यवश उगु मूर्ति विगत २०२८ सालं सिंहदरबार अग्निकाण्डजूबले विनष्ट जुल । थ्व भीगु लागि छगु अपूरणीय क्षति जुल ।

२) अवलोकितेश्वरया छगू पादपोठलेख

श्रद्धालु परमोपासक मणिगुप्त व थ्वया श्रीमती महेन्द्रमतिपिन्सं स्थापना यांना थकूगु ६ शताब्दीया जुजु रामदेवया शासनकाले निर्माण जुगु आर्यावलोकितेश्वरया प्रस्तरमयमूर्ति कान्तिपुर भोटेबहाया लिकसं च्वंगु लोहंहितिस अद्यापि विद्यमानतिनि^१ ।

३) अवलोकितेश्व पादपोठ लेख

यें ब्रह्मटोल मुसुंवाहालस च्वंगु लिच्छविकालया शिलालेखे नं आर्यावलोकितेश्वर स्थापना विषये उल्लेख यांनातःगु दु^२ । थुकिया संवत् खः ४७९

४) तुरणवाहाण छगू बुद्धमूर्ति

यल चपटटोलया तुरणवाहालस लिच्छविकालया अभिलेखयुक्त बुद्धमूर्ति छगु स्थापना यांनातःगु दु । थुगु मूर्तिया जलहरिया अभिलेखे- धर्मपालया श्रीमति परमोपासिका मृगिनीनं गन्धकूटी विहार जीर्णोद्धार व चातुर्विंश महायानिक आर्यभिक्षुपिन्संघपिन्त भोजन निम्ति गुथि तयाव्यूगु खँ न्ह्यथना तल । थुगु अभिलेखयुक्त बुद्धमूर्तिया जःखः पद्मपाणि बोधिसत्व निहानं उपस्थित याकातगु खने दु^३ ।

१. लिच्छविकालका अभिलेख पृ. १७७

२. " " पृ. १८५

३. " " पृ. ३८२

थुगू पद्मपाणि बोधिसत्व मूर्ति यलया दकले सकले प्राचीन जुईफु। थुगू मूर्ति गन्धकूटी विहारे प्रतिष्ठा निर्मित दयकूगु जुल।

५) बण्डाहितिया छगू शिलालेख

ये चःस्वाँद्वँ बण्डाहितिया छगू लिच्छविकालया शिलालेखस आर्यालोकितेश्वरयात धूपदीप चह्नेयाय् निर्मित आयस्ता तयातःगु खं न्ह्यथना तल^१।

६) चैत्य वेदिका अभिलेख

यल त्यागल टोलया उत्तमबाहालस च्वंगु लिच्छविकालया चैत्यया वेदिका अभिलेखस विभिन्न बोधिसत्वया नांया भोले लोकेश्वरया नांनं न्ह्यथना तःगु दु^२।

७) पशुपतिया छगू शिलापत्र

देवपट्टन पशुपतिनाथया न्ह्योनेच्वंगु दबलिया शिलापत्रस सं. १५७ सालं जुजुं जयदेवं श्रीपशुपति-नाथयात ओहया पलेस्वाँ चह्नेयाःगु सन्दर्भे पण्डित बुद्धकीर्तिजुं थथे वर्णन याना तईतःगु दु^३।

देवानां किमियं शुभा सुकृतिनां
रम्या विमानावली
पद्मं किं करुणाकारस्य करतो
लोकेश्वरस्यागतं।

८) अवलोकितेश्वरया पादपीठ लेख

यल यङ्गूबाहालय लोकनाथ देगःया दुने स्थापना याना तईतःगु अवलोकितेश्वरया पादपीठस थथे च्वईतःगु दु— सं १८० सालं जुजु मानदेवया पर्यायस दानपति हूँ धर्मजीवजुं अति अद्भुतगु लोह्या अवलोकितेश मूर्ति थमंहे दय्का बिया धका उल्लेख याना तल^४।

९) गोपालराज वंशावली पृ. २३

राष्ट्रिय अभिलेखालयस च्वंगु भुजिमो आखलं च्वयातःगु तालपत्रया गोपालराज वंशावलिस जुजु नरेन्द्रदेव व आचार्य बन्धुदत्त निहासिनं श्री बुंगमलोकेश्वरया जात्रा यात धका उल्लेख यानातलः—

श्री नरेन्द्रदेव वर्ष ३५ तस्य आचार्य बन्धुदत्त द्वयेन
श्री बुंगमलोकेश्वर भट्टारकस्य जात्रा कृतो भवति।

१. लिच्छविकालका अभिलेख पृ. ३८६

२. " " पृ. ३८७

३. " " पृ. ५६१

४. बुंगछः नेपाले हःगु खँ पृ. ८४

१०) बृंगद्यः नेपाले ह.गु वंशावली

आचार्य वन्धुदत्तया निर्देशन अनुसारं यम्पिमहाविहार (ईवही) या शाक्यभिन्नु शुभ श्रीमिश्रजुं श्री करुणामय बृंगद्यःया अष्टधातुमूर्ति दयकल धका च्वयातल । गुगू थासे च्वना करुणामयमा मूर्ति निर्माण जुल उगु थाय्यात थौतकं करुणाचूक धका नाम प्रसिद्ध जुया च्वन ।

११) गोपालराज वंशावली पृ. २३

श्री बुंगमलोकेश्वर करुणामययात जुजु बालार्जुनदेवं अति श्रद्धा व भक्ति तया थःगु मुकूट (श्रीपेच) हे द्रहलपा बिल धका उल्लेख याना तःल ।

१२) कारण्डव्यूह ग्रन्थ- अन्तिम पुष्पिका

आर्य अवलोकितेश्वरया उद्धारकार्य विवरण व षडक्षरी मन्त्रया महत्त्व विषय वर्णन यानातैतःगु आर्यकारण्डव्यूह महायान सूत्र जुजु रामपालदेवया समये संवत् २ सालं च्वयातःगु तालपत्र सफू । थ्व सफू जयश्री विहारया तेजनरसिंह शाक्यया संग्रहस सुरक्षित् दु^१ ।

१३) लुम्बिनी अशोक स्तम्भ अनुसार

जुजु रिपुमल्लं बुद्धजन्मभूमि लुम्बिनी दर्शन याओंबले अशोकस्तम्भत बुद्धशाक्यमुनिया मन्त्र उत्कीर्ण मयासे आर्यावलोकितेश्वरया महामन्त्रे ॐ मणिमपद्मे हूँ तिब्बतलिपि च्वया लिर्ते रिपुमल्ल चिरञ्जयतु धकानं अंकित याना थकल ।

१४) लोकनाथपद ध्यान सफू

दुल्लु दैलेखया प्रख्यात जुजु सेञ्जाधिराजपिगु विजय कामना यासे तत्कालीन समय 'लोकनाथपद ध्यान' व 'लघुर्त्नमय' नामक ग्रन्थ जुजु रिपुमल्लं थःमहे च्वया थकल ।

१५) गोपालराज वंशावली पृ. ४३

ने. सं. ४३३ फागुनकृष्ण पारु खुन्हू सुदूरपश्चिम खसान प्रदेशया जुजु रिपुमल्लजुं बृंगद्यःयात न्हव (महास्नान) याकालि कोप आदि विविध उपकरण चह्लेयात धका उल्लेख याना तःल ।

१६) गोपालराज वंशावली पृ. २६

ने. सं. ४०९ सालं जुजु जयतारिमल्ल उपत्यकास दुहाँवया थाय्यासे गाँगामे मि तया उपद्रव याना लि स्वयम्भू, बृंगद्यः व पशुपति दर्शन याना थःगु थासे लिहाँवन धयातल ।

१७) इतुंवाहाया शिलापत्र

ने. सं. ५०२ सालं जुजु जयस्थितिमल्लया मन्त्रि जयसिंहरामवर्द्धनया किजा मदनरामवर्द्धन व

१. मेडिभल नेपाल को. ई. पृ. ५

२. इतिहास प्रकाश दोश्रो अंक भाग १

ध्वया श्रीमती जैत्रलक्ष्मीनं श्री बृंगमलोकेश्वरयात सुवर्णतोरण समर्पण या:गु खँ न्ह्यथना तल^१ ।

१८) गोपालराज वंशावली पृ. ६३

ने. सं. ५०७ वैशाखशुक्ल चतुर्थि खुन्हू जुजु जयस्थितिमल्ल व थव कार्यापि स्वहानं बृंगस बृंगम-
लोकेश्वर जात्रा स्ववन धका उल्लेख याना तल ।

१९) स्वयम्भू मूर्ति संग्रहालय

करुणामयया सच्चि च्यागु रूपमध्ये छगु चिन्तामणि लोकेश्वरया पादपीठस ने. सं. ५३९ सालं
वणिक् सार्थबाहू जीवभारोनं देकल धका उल्लेख याना तल ।

२०) राजधो विहारया सिजःपौ

यत्रया ईवाहाबही (राजश्री विहार) या संस्थापक दक्षिणविहारया कुटुम्बज प्रधानमहापात्र
राजसिंहमल्ल देवजुं गौरवपूर्वक थःगु प्रशस्तिस- 'श्रीमत् आर्यावलोकितेश्वर चरणपङ्कजसेवित-'
धका ने. सं. ५४७ स अंकित यानातल । थुगु विहार प्रतिष्ठा समारोहस जूजु ज्योतिर्मल्ल विज्याकालि
वीरबाहु नाटकनं क्यंगु जुल ।^२

२१) जुजु मुकुन्दसेन या उपत्यका प्रवेश

नेपाया पश्चिम प्रदेश पाल्पाया जुजु मुकुन्दसेन उपत्यकाय दुने वया लि बृंगद्यः न्हवःयाःगु
स्ववल । उगू इले बृंगद्यः न्हवं स्ववर्षि हतार वल धका ग्याना सकलें विस्युं वन । उगू इले बृंगद्यःयात
नागराजपि वया महास्नान याका वंगु थुगू अद्भुत दृश्य खना बृंगद्यःया प्रति श्रद्धाभक्ति अभिप्रेरित
जुया थःमं गया वयाहा सलयाके च्वंगु ओहया शिखः त्वका बृंगद्यःयात क्वाखाय्का वन । थुगू घटना
खः ने. सं. ६६६ सालं जूगु^३ ।

२२) राष्ट्रिय अभिलेखालयया तालपत्र

ने. सं. ६७८ चैत्रशुक्ल द्वितीया दिनस वृंगद्यः व चोभाद्यःया न्हवं महास्नान गुथिया निर्मित यल
श्रीमाणिलया दक्षिण विहार ज्येष्ठ विहारया वकुलि कुटुम्बज प्रधानमहापात्र श्री मेल्व (घ) वर्म,
श्री हृदयसिंह वर्म, श्री ज्ञानसिंह वर्म व श्री केशवसिंह वर्मपिगु सहमति कथं गुथिया आयस्ता तया
व्यूगु जुल ।

१. संस्कृत सन्देश, वर्ष १।११

२. मेदिभल नेपाल भाग ३ पृ. ५६

३. प्राचीन नेपाल अंक ५ पृ. १

४. श्री आदिनाथ अनुसन्धान निधि, पृ. २५

२३) स्वहा जुजुया पर्यायस चिना छपु में

चोगामक्वाथ दय्कूगु उपलक्षस जुजु नरसिंहदेव, पुरन्दरसिंहदेव व उद्धवसिंहदेव थाकुरजुपिगु संयुक्त शासनकालस ने. सं. ६९४ सालं छह्य राजभक्त अज्ञातकविजुं यलया इष्टदेवता श्री बृंगमलोके-
श्वरयाके थव प्रार्थना यागु दुकि— तत्कालीन राजनैतिक समस्या सुधार निम्ति जुजुया विजयकामना
यासैं खड्गसिद्धि वरदान बिया बिज्याहूँ घका रचना यानातःगु जुल । थुगू भजनमेंस तत्कालीन
ऐतिहासिक सांस्कृतिक एवं राजनैतिक पक्ष समेत समावेश जुयाच्वंगु थःगुहे विशेषता दर्इच्वंगु छपु
पुलांगु नेपालभाषाया भजनमें जुल ।

२४) शान्तिपुरया छगु मूर्ति

अवलोकितेश्वर करुणामयया सछिगुच्यागु रुपमध्ये छगू हालाहल लोकेश्वरया प्रस्तरमूर्ति स्वयम्भू
शान्तिपुरया चाकले ने. सं. ६९६ सालं स्थापना याना तःगु दु^१ ।

२५) जुजु जयनरसिंहया छगु भद्धा

जुजु जयनरसिंहदेव थाकुरजु बृंगद्यःया जात्राजुईगु उपलक्षस हाथुं हायक्येगु निम्ति ने. सं. ६८६
सालं गुथि तथा थकल^२ ।

२६) स्वयम्भूया छगु मूर्ति

स्वयम्भूया बहीफले तथातःगु प्रस्तरमय पद्मपाणिलोकेश्वर मूर्ति ने. सं. ७२० सालं थापना
याना थकल^३ ।

२७) स्वयम्भूया भेगु छगु मूर्ति

अवलोकितेश्वर करुणामय सछिगुच्यागु रुपमध्ये छगू नेपाया बौद्धसमाजे आपालं प्रचार प्रसार
जुयाच्वंगु आर्याष्टाङ्ग उपोषधव्रतया अधिष्ठातृ देवता श्रीअमोघपाशलोकेश्वरया प्रस्तरमूर्ति ने. सं.
७२२ सालं स्वयम्भूया बहीफले स्थापना यानातःगु दु^४ ।

२८) जुजु सिद्धिनरसिंहया दूरदर्शि आस्था

यलया अतिकं नाँदंहा जुजु सिद्धिनरसिंहमल्लजुं थःगु लायकूया न्ह्योनेसं शिखरशैलीयुक्त विश्व-
प्रसिद्ध वासुदेव श्रीकृष्णमन्दिर दय्कूबले उगू देगःया निगूगु तल्लाय् श्री वासुदेव कृष्णमूर्ति स्थापना

१. नेपाल भाषा काव्य सिर्जना प्रवृत्ति, पृ. ४३०

२. श्री स्वयम्भू महाचैत्य पृ. ६२१

३. पूर्णिमा पत्रिका सं. १२

४. स्वयम्भू महाचैत्य पृ. ६२२

५. श्री स्वयम्भू महाचैत्य, पृ. ६२२

यात । अले ध्वयानं च्वय् स्वंगूगु तल्लाय् शिवलिङ्ग स्थापनायात । अज ध्वयानं शिरोपरी भागे श्री आर्यावलोकितेश्वर करुणामय बुंगमलोकेश्वरया मूर्ति सुप्रतिष्ठित यानातःल^१ । थुकिं स्पष्टजूकि- जुजु सिद्धिनरसिंहया वसपोल श्री करुणामयया आदर्श महिमाप्रति गुलिजक श्रद्धाभक्ति दु धंगु खँ ज्वलन्त प्रमाण कयना बिल । थुगु मन्दिरया प्रतिष्ठाकार्य सुसम्पन्न जूगु दिन खः ने. सं. ७५७ फागुनशुक्ल दशमि ध्रुवयोग शुक्रवार ।

ध्वया सन्दर्भे जित ध्व धायेमास्ति वःकि- थुगु मन्दिर- वैष्णव धर्म, शैव धर्म एवं बौद्ध धर्मया पारस्परिक सुदृढ मैत्रिपूर्ण भावनाया ऐक्यरूपया ज्वलन्त प्रमाण खः, आदर्श खः ।

थन बौद्ध, शैव, वैष्णवया परस्परे सहानुभूति दु, थन गुबले धर्मया नामे त्वापु ख्यापु मदु, थथे स्वंगु धर्मनं मिलेजुया च्वंगु हे नेपाःया थःगु राष्ट्रिय धर्मया विशिष्ट गुण खः । थनयागु परम्परा इतिहास, धर्म, संस्कृति, कला अनुसन्धानयाना स्वलधासा मल्लकाले जक मखु तिच्छविकाल निसे धर्मसमन्वय जुयाच्चंगु खने दु- धाये कि- छगू उदाहरण- लिच्छविकालया जुजु श्री हरिदत्तवर्माजुं स्थापना याना थकूगु भुँभुकिजालशयन नारायण (भुईजःसि नारायः) नं बौद्ध, शैव, वैष्णव धर्मया एकीकृत रूप श्री बुद्धनीलकण्ठनारायणया नामं मानेयाना वईच्चंगु खने दु । थुगु मूर्तिस बौद्ध धर्मया प्रतीक मुकुटस बुद्धमूर्ति अंकित यानातल । शैव धर्मया प्रतीक रुद्राक्ष व सर्पभूषण तिसां तिईकातःल । वैष्णव धर्मया प्रतीकजा स्वयं शंख चक्र गडा पद्मवीज धारणयाना आनन्दपूर्वक जलशयन याना थस- पाया गगनावलोकन याना च्वंगु भव्य सुन्दर कलात्मक मूर्ति प्रस्थापन याना तईतल । थुगू भुईजःसि नारायणया शिरोभूषण मुकुटस बुद्धमूर्ति अंकित यानातःगु दु धाय्बले थव खँ न्यना पाठकपि आश्चर्य जईफु । तर थुगू विषययात कया नेपाया प्रसिद्ध नाटककार विद्वान् श्री बालकृष्णसमजुं बाँलाक अध्ययन याना निर्णय नाना तथ्यंकु दु^२ ।

२६) कर्मराजगुम्वाया छगू मूर्ति

स्वयम्भूया कर्मराजगुम्वा ग्वाखस तयातःगु प्रस्तरमय सृष्टिकर्ता लोकेश्वरया मूर्ति ने. सं. ७८० सालँ दय्का तःगु जुल । थुगू मूर्तिनं लोकेश्वरया सच्चिच्यागु रूप मध्ये छगु खः^३ ।

३०) चोभाया छगू शिलापत्र

कच्छपालगिरिपर्वत चोभारस प्रतिष्ठित श्री आनन्दादि लोकेश्वरया न्हापाया देगः जिर्णजुयाली

१. थव खँ धर्मभूमि पत्रिका व हात्त्रो संस्कृति नामक पुस्तकया पृ. ५१ तथा नेपालको इतिहास र संस्कृति एक श्लोक, पृ. ८२ स उल्लेख जूगु दु ।

२. स्वयादिसं- नेपाली ललितकला नामक पुस्तक पृ. ३६ लेखक- बालकृष्ण सम, सदस्य रायल नेपाल एकेडेमी, प्रकाशक- श्री ५ को सरकार, प्रचार प्रसार मन्त्रालय, प्रकाशन मिति- २०२२ फागुन ७

३. श्री स्वयम्भू महाचैत्य पृ. ६२५

पुनर्निर्माण जूगु समारोहस ने. सं. ७६१ सालं जुजु सिद्धिनरसिंह व युवराज श्री निवासमल्ल समेत बिज्याकूगु जुल^१ ।

३१) तःबाहा बुंगछ.या देगले दुनेच्वंगु शिलापत्र

श्री बुंगमलोकेश्वर करुणामयया स्नानजात्रा न्हवँ, रथजात्रा, नित्यपूजा, पर्वपूजा आदि विषय कया विस्तारपूर्वक वर्णन याना तईतःगु लिसें आयस्ता स्वरूप सलंसः रोपनि जग्गा समेत द्रहलपा व लिसें लिसें करुणामयप्रति राजाप्रजापिन्सं पालन याय्माःगु आवश्यक नियम कर्तव्य समेत उल्लेख याना जुजु श्री निवासमल्लं आदेश जाहेर यानातःगु जुल । थ्व शिलापत्र ने. सं. ७९३ यागु जुल^२ ।

३२) बुंगेच्वंगु बुंगदेगःया फले च्वंगु शिलापत्र

थुगु शिलालेखस थथे धईतःगु दु कि- श्रीमत् लोकनाथ करुणामयया श्री चरणकमलया धुलें थःगु छथों भुलु सुलु दँह जूजु श्री निवासमल्ल थाकुरं त्रैलोक्यनाथ ईष्टदेवता करुणामयया थास बारंबार कचिगल जूगुलि उगू समाधानया लागि न्हूगु आदेश जाहेर याना व्यूगु जुल । लिसें करुणामयया थास माय्अवसं च्वंवईपिन्त जाति शोधन याय्गु खँ न्ह्यथसें करुणामयया अग्रस जज्ञहोम व नापं स्वीह्य पाञ्जुपि तया मासोपवास व्यवस्था सम्बन्धि खँ न्ह्यथना ने. सं. ७९६ सालं आयस्ता समेत तया व्यूगु जुल^३ ।

३३) महारानि चन्द्रलक्ष्मीदेवीया छपु भजन म्ये

यलया जुजु विष्णुमल्लया महारानी चन्द्रलक्ष्मीदेवीनं थमनं भक्तिपूर्वक नेपालभासं छपु म्ये रचना याना थकल । गुलिनं मल्लजुजुपिन्सं करुणामयया भजनस्तुति व म्ये चिनावन उलिमध्ये थुगु भजनम्येया थःगु विशेषता दु, छुधासा आतकया अनुसन्धानकथं लुयावगु करुणामया व्याकव भजनम्ये मिजँपाखेजक खनेदयाच्वन । तर थुगु भजनम्ये महारानी थमँहे रचना यागु जुयाच्वन । लिसें थुगु भजनम्ये या अन्तस थव स्वामि महाराजा विष्णुमल्लया सदा विजय कामना यासे वसपोल करुणामय मच्छेन्द्रनाथयाके प्रार्थना यानाच्वंगु जुल^४ ।

थुगु भजनम्येया रचना ने. सं. ८४९ सालं विष्णुमल्लया शुभराज्याभिषेकया उपलक्षस पिथंगु अनुमान-

१. मेडिभल नेपाल, पार्ट ५

२. मेडिभल नेपाल पार्ट

३. " " "

४. पुलांगु म्ये. मुना, अनुक्रम संख्या ३५६

राग— राजविराज । ताल बन्धा ।

जयजय मछिन्दरनाथ । बालखसुर्ज उन सरिरया शोभान् ।
लुंया मतुकन पुयाव । गजमोति मणिमय कोखान गलस लोव ।
तेज मदतो उपमान । १ । ब्रह्मादिदेवन भगतिन तलमन ।
खडाव् छि पुरुष पुरान । मुनिजन भजलपा छि चरण ।
प्यतापद लाक वरदान । २ । करुणा कतकखडा अतिन मनस दडाव ।
दोलछिह्या तु शेखनागन फयिव मखु । छिगु गुणया खँल्हाय । ३ ।
देवी चन्द्रलक्ष्मीनं विनति वचन । दयादस्य डड भगवान ।
धंदे ललितपुरया कामना । विष्णुमल्लया मनपूर्ण याहुने कृपान । ४ ।

३४) ओहया ब्रह्मावंध्या अभिलेख

श्री करुणामय न्हव्याय् सिधयेका छवातक देगले स्वनातईगु रूप्यमयि पूर्णघट ने. सं. ८५१ सालं
जुजु विष्णुमल्लनं द्वहलपा व्यूगु जुल ।

३५) बृंगछःया खजःलाया सिजःपौ

जुजु राज्यप्रकाशमल्लजुं श्री करुणामययात लुंया खःजला व ध्वज प्यपु समेत ने. सं. ८६६ सालं
द्वहलपा थकूगु^१ ।

३६) जीवराजमुनिनं सुवर्णविमान दुस्ता

यलया महाबुद्धमन्दिर निर्माणकार्य सुसम्पन्नजुगु प्रतिष्ठा समारोहया स्वांप्रसाद सिक्किमया
जुजुयात पण्डित जीवराज जयमुनिपिन्सं चह्लेयागुलि जुजु प्रसन्न जुया आपालं सुवर्णदक्षिणा बियाहःगु
आयस्ताद्वारा वसपोल करुणामयया रथस धातुया लुखा, तोरण, भंगि तंगि, थाँ, लिबि व हरिञ्चक्र,
धर्मच्छत्र आदि न्हूगु दय्का लुंसिया ने. सं. ७७४ वैशाखशुक्ल चतुर्थि बुधवार खुन्हू सुवर्णविमान
चह्लेयाना श्रीशोभाबृद्धि याना व्यूगु जुल^२ ।

३७) विभिन्न मुद्रास करुणामयया नाम अङ्कित^३

नेपाया मल्लकालीन राष्ट्रिय मुद्राय् खासयाना यल देवा जुजुपिगु मोह व सुकी धेवाय् निम्न
प्रकारं श्री करुणामय श्री लोकनाथया नां अङ्कित यानातःल । थुगू उदाहरणं थ्व भाव स्पष्टयाना
व्यूगु दु कि— वसपोल श्री बृंगमलोकेश्वर करुणामय— लोकनाथप्रति मल्लजुजुपिनि गुलि श्रद्धाभक्ति

१. को.नो.कोण्ड एण्ड इन्स्क्रिप्सन पृ. २२६

२. महाबुद्धमन्दिर इतिहास, पृ. ११

३. नेपाल राष्ट्रिय मुद्रा, पृ. ८६

दु खनि धंगु स्वतः प्रमाणित जूगु दु । थ्वसपोल बुंगमलोकेश्वर- गोरखनाथया गुरु मत्स्येन्द्रनाथया शिष्य गोरखनाथया नांजक अङ्कित याना वईच्वन । शाहवंशया प्रथम जुजु श्री ५ पृथ्वीनारायणशाह- जुनं छभाचा बाध्य जुया थंगु मुद्राय् १६८५ सालं श्री लोकनाथया नां अङ्कित यानाबिल । तर, उगु परम्परा धासा चलेमयासे केवल गोरखनाथ, पशुपतिनाथया जक नामाङ्कित याय्गु परम्परा न्ह्याका- च्वन । आशा दु- वर्तमान सरकारनं श्री करुणामयया नां अङ्कितयाना राष्ट्रिय मुद्रा प्रकाशन याई धईगु । आ थन उदाहरणया लागि श्री करुणामय, श्री लोकनाथ नाम अङ्कित मुद्रा प्रस्तुत याय्-

१) श्री निवास मल्ल	-	श्री करुणामय	ने. सं. ७८१
२) श्री योगनरेन्द्र मल्ल	-	श्री लोकनाथ	ने. सं. ८०५
३) श्री लोकप्रकाश	-	श्री करुणामय	ने. सं. ८२६
४) श्री इन्द्र मल्ल	-	श्री लोकनाथ	ने. सं. ८२६
५) श्री वीर नरसिंह	-	श्री लोकनाथ	ने. सं. ८२९
६) श्री वीर महिन्द्रसिंह	-	श्री लोकनाथ	ने. सं. ८२९
७) श्री ऋद्धि नरसिंह	-	श्री करुणामय	ने. सं. ८३५
८) श्री महिन्द्रसिंह	-	श्री करुणामय	ने. सं. ८३७
९) श्री योगप्रकाश	-	श्री करुणामय	ने. सं. ८४२
१०) श्री विष्णुमल्ल	-	श्री करुणामय	ने. सं. ८४९
११) श्री राज्यप्रकाश	-	श्री लोकनाथ	ने. सं. ८६५
१२) श्री विश्वजित्	-	श्री लोकनाथ	ने. सं. ८७८
१३) श्री जयप्रकाश	-	श्री करुणामय	ने. सं. ८८०
१४) श्री रणजित्	-	श्री करुणामय	ने. सं. ८८२
१५) श्री दलमर्दन शाह	-	श्री करुणामय	ने. सं. ८८४
१६) श्री तेजनरसिंह	-	श्री करुणामय	ने. सं. ८८५
१७) श्री पृथ्वीनारायण शाह	-	श्री लोकनाथ	शा. सं. १६८५

३८) सक्व वज्रयोगिनीया सिजःपौ

जूजु जयप्रकाश मल्लं पञ्चतयत्त सम्बोधन याना आज्ञा ज्या बिज्यागु दु कि- स्वयम्भू, बुंग, बालाजु, गोकर्ण, चांगु, एवं सक्व वज्रयोगिनीया बनजंगलस च्वंगु सिद्धकानं छयाना काय्मदु, कच्चा सिमागले वईच्वनीपि साधुसन्त, श्रमण, ब्राह्मण अतिथिपिन्त दुःखबिये मदु । नापं सा, धों, म.कः, सर्प आदिया प्राणहरण याय्मदु । थन सिमागलस मि तय्मदु । यदि सुनांगुह्मसें थ्व खँयात उल्लंघन

यात घासा पञ्चमहा पाप लाई नापं मोह ३२ राजदण्डया भागी जुई घका ने. सं. ८७२ आषाढ शुक्ल प्रतिपदा खुन्हू सिजःपौ तानातःगु जुल^१ ।

३६) यल लाय्कूया लुङ्ग्या

जुजु सिद्धिनरसिंहजुं तुसाहितिचुक (सुन्दरी चोक) या लायकू दय्कूबले कलात्मक दन्तया झ्याले बृंगमलोकेश्वर अंकितयाना सुवर्णतोरण तथा श्रीशोभाबृद्धियात । थ्वहे अनुरूप यलदेया अधिष्ठातृ देवता बृंगमलोकेश्वरया आस्था प्रतिष्ठा भक्ति परम्परा कायम याय्निम्ति जुजु योगनरेन्द्रनं लुसाह-पौचुक (केशवनारायणचोक) या लायकू निर्माण याःबलेनं थःमनं महायानसूत्र गुणकारण्डव्यूहया प्रमाण अनुसार सृष्टिकर्तालोकेश्वर तथा भव्यनक्सां भःभः धाय्क लुङ्ग्या स्थापना याना मंगःलायकूया श्रीशोभाबृद्धि यानाव्यूगु जुल । थुगु कीर्ति थौं तकनं विद्यमान जुयाच्चंगु दनि^२ ।

४०) यल मूलचोकया सिजःपौ

जुजु रणजित्मल्लजुं यलदेशसं राज्ययाना च्वंबले ने. सं. ८८२ सालया चालंखुन्हू राजनीतिया कारणं यलदेशया व्यवस्था भ्रष्टजूगु महसूस याना राजा, मन्त्रि, भारदार व प्रजापिगु निर्मित कुशल मंगलपूर्वक छगु महत्वपूर्णगु इस्तिहार आदेश जाहेर याना बांलागु न्हूगु व्यवस्था दय्का इस्तिहार ताना बिल । गुहासिनं थुगु इस्तिहारयात अनादर याई उह्येसित—

- १) श्री ३ करुणामय — यल
- २) श्री ३ हरसिद्धि — जल्ह
- ३) श्री ३ तलेजु — स्वनिगल
- ४) श्री ३ देगुतले — ”
- ५) श्री ३ पशुपति — ग्वल
- ६) श्री ३ गुह्येश्वरी — ”
- ७) श्री ३ गरुडनारायण — चंगु

थुपि देवतापिगु कुदृष्टि लाई । गुहासिनं आदर तई, अमित सुदृष्टि स्वई घका उल्लेख यानातल । थुगु ताम्रपत्रं थ्व खँ स्पष्टयाःगु दु कि— थुपि देवतापिगु भोले श्री करुणामयया नां मर्यादाक्रमे दकले सकले च्वय् तथा सम्मान यानातल । अकि धाय्फु यलदेशया निर्मित श्री करुणामय बृंगमलोकेश्वरया प्रतिष्ठा महत्व गौरवपूर्ण सिद्ध जू^३ ।

१. मेडिभल नेपाल भाग ४, पृ. ३०४

२. माणिगल राजप्रासाद, पृ. २५

३. मेडिभल नेपाल भाग ४, पृ. ३२१

४१) नुगजात्रा हाथ्वंगुथिया सिजःपौ

बुंगद्यःया रथ सालाहया नुगले थेनिबले हाथ्वं हाय्केगु गुथि निम्ति जुजु तेजनरसिह मल्लं तया थकूगु दानपत्र जीर्ण जुयावसेलि हानं जीर्णोद्वार याना हाथ्वं गुथियात आयस्ता तयाव्यूगु जुल । थुकिया व्यहोरा थथे- बुंगद्यः नुगःयाः न्याईबले नुगःत्वाया फलेचास च्वना हाथ्वं हाय्के, सह्ये दान बिये, नापं चिकंमत छ्वय्के, पूजायाना गुथियारपिनि भव्यनय् । थुगु कार्यस बिचाःयापिगु नाँ-

- १) यिनायविहारया भिक्षु धनसिं
- २) नरेन्द्रराज जोशी
- ३) देवसिह आचाजु
- ४) देवराज मुल्मी
- ५) भिक्षु श्री धनसिह बदेजु
- ६) साक्षि श्री नीलकुलानन्द उपाध्या

सुनां थुगु खँयात अनास्था याई, उह्यसयात मोह टंका २४ राजदण्ड भागी जुई धयातःगु दु । मिति ने. सं. ८८८ ज्येष्ठ कृष्ण अमाई ।

थुलि वसपोल श्री अवलोकितेश्वर करुणामयया ऐतिहासिक, सांस्कृतिक विषय कया संक्षिप्त उदाहरण प्रस्तुत यानागु जुल । आ थनंवयालि वसपोलया हृदयमन्त्र मूलमन्त्र 'ॐ मणिपद्मे हूँ' धईगु विषय कयानं प्रसङ्गवस छत्वाचा विवरण न्हयथने-

'ॐ मणिपद्मे हूँ' धईगु अवलोकितेश्वरया सुप्रसिद्ध मन्त्र षडक्षरी महाविद्याया सुनां गुह्यसिन् श्रद्धा निश्चयपूर्वक बोधित्त उत्पन्नयाना धारण याई, वाचना याई, देशना याई, चिन्तना याई अथवा स्यने कनेयाना प्रचार प्रसार याई, उह्य श्रद्धालु भक्तजनयात थुगु जन्मेहे सम्बोधिज्ञान ऐश्वर्य प्राप्त ज्या लपया जन्मे वसपोल अवलोकितेश्वरया गुरु अमिताभ बिज्यानाच्वंगु अपरिमितगुण सञ्चय नाम लोकधातु सुखावति भुवनस वास लाईह्य जुई धका आर्यमहायानसूत्रया थाय् थासे वर्णन याना तईच्वंगु खनेदु-

गुणकारण्डव्यूह सूत्रे थथे प्रशंसा यानातल-

यो मुदा श्रद्धया नित्यं जपेदिमां षडक्षरीं ।
सम्बोधिसाधनीं विद्यां भद्रश्री सदगुणाकरीं ॥
सोऽचिन्त्य श्री महाभिज्ञः सर्वपारमिता प्रभुः ।
सर्वाञ्च धारणी सर्वान्समाधिञ्च लभेदपि ॥
सर्वविद्याधिपः शास्ता सर्वधर्माधिपः प्रभुः ।
अर्हन्मारविजेता च भवेत्सर्वहितार्थभूत् ॥

थुगु श्लोकया सारांश मतलब थथे खः कि—

गुह्यसिनं थुगु षडक्षरीमन्त्र शुद्ध चित्तपूर्वकं न्हिथं जाप याई निश्चयनं उह्येसित सम्बोधिसाधन याये फईगु विद्या लाभ जुई । कल्याणगु श्री सद्गुण जशकीर्ति प्राप्त जुई । चिन्तनयाकें अगोचरगु अनुपम महाभिज्ञ प्राप्त जुई । थुगु मन्त्र सम्पूर्ण पारमिताया नं स्वामि जुयाच्चंगु सकल धारणी समाधिज्ञान लाभजुई । समस्तशास्त्र विद्याया नं गुरु एवं सम्पूर्ण धर्मया नं अधिपति जुयाच्चंगु असंख्य मारविघ्नयात विजयप्राप्त याये फईगु लिसें सकलयात हितसुखशान्ति विये फईगु समर्थलाभ जुईगु इत्यादि प्रशंसा याना तईःतगु जुल ।

थजागु सर्वगुणसम्पन्न षडक्षरी महामन्त्र गुह्येसिनं नियमानुसार श्रद्धा निश्चयपूर्वक चित्त परिशुद्ध याना वसपोल महाकारुणिक आर्यावलोकितेश्वरयात अनुस्मरणयाना बोधिचित्त उत्पत्तियाना सच्चिदक १०० जक जपयासां शरीर वचन मनंयागु पाप नाश जुयावनी । द्वःछिक १००० जप यातसा दशाकुशल पाप परिशुद्ध जुयावनी । त्रिद्वःक १०,००० जपयात धासा कर्तव्यभ्रष्ट जूगु पापकर्म परिशान्त जुई । एवं प्रकारं छगु लाख तक १००००० जापयातसा सुमेरु पर्वत समानगु पाप जूसं फुना वनी । भिगु लाख १०,०००००० तक जापयातसा पञ्चानन्तर्य पापनं विशुद्ध जुयावनी । एवं प्रकारं छगु करोड १००००००० तक जाप याह्य व्यक्ति गुबलें नारकीय दुःखभोग यायेमाली मखु । यदि मुंगुह्यसिनं भिगुहे करोड १०००००००० तक जाप यायेफत धासा निश्चयनं सम्बोधिज्ञान प्राप्त जुया अन्तस बुद्धत्व लाभ याना कायफुह्य जुई धका महायानसूत्रस वर्णन यानातईतःगु जुल ।

उपर्युक्त वर्णन अनुसार अपरिमित पुण्यफल प्राप्त जुई धईगु आशा भरोशा याना श्रद्धालु भक्तजनपिन्सं थुगु षडक्षरी महामन्त्र ‘ॐ मणिपद्मे हूँ’ बेताबखते थास थासे प्रचार प्रसार याकेगु, यायेगु, अनुमोदन यायेगु आदि थुकीयागु सुकीर्तिमय प्रकाश महायान बौद्धजगते प्रतिष्ठा प्राप्त जुयाच्चंगु जुल । अज थुलिजक मखु परमश्रद्धेय पूज्यपाद वसपोल सद्गुरु श्री दलाई लामा जूया प्रयासं थुकीयागु महत्व गौरवमय कीर्ति महादेश एशिया, यूरोप, इङ्गलायण्ड आदि सुदूर अन्तर राष्ट्रीय जगते तकनं थुगु षडक्षरी मन्त्रया प्रभाव लानावना च्वंगु खने दु ।

गथे कि— प्राचीनकाले चीन महाचीननिसें कया वर्तमान वैज्ञानिकयुगे वया अमेरिका स्वीजरलाण्ड धंगु देशे थ्यंकनं थुकीयागु महत्वप्रति श्रद्धागौरव विस्तार जुजुं वनाच्वन । अकि निश्चयनं धायफु थुलि द्रुतगति व्यापक प्रचार प्रसार जूगु मन्त्रवाहेक संसारे सुनं देवतापिगु मन्त्रं थुलि प्रभाव लाके मफु धासां अत्युक्ति जुईथें मच्चं । थ्व वसपोल आर्यावलोकितेश्वर करुणामयया सत्यसिद्धिया अधिष्ठानबलया अनुभाव प्रभाव अवश्यं जुईफु ।

थुजःगु आदर्शमय सर्वगुणसम्पन्न ‘ॐ मणिपद्मे हूँ’ मन्त्रप्रति अपार श्रद्धा निश्चय तथा धार्मिक

उत्सव कार्यस 'एकं हि सत्यं बहूधा भजन्ति' घयातःथे विविध प्रकारया रूपान्तर जूगु खने दु । जितः विश्वास दु— थुगू षडक्षरी मन्त्रया महानुभावपिन्सं ध्यान तथा अध्ययन अनुसन्धान गवेषण प्रवेशन जुया स्वतधासा ३३ कोटि देवतापिगु गुलिनं मन्त्रत सृष्टि जुयाच्चन उलिमध्ये शायद् निश्चयनं थ्वहे मन्त्र सर्वाधिक प्रचार प्रसार जूगु खने दई ।

धाय्कि उदाहरणया लागि— 'ॐ मणिपद्मे हूँ' या वर्णनया प्रसङ्गरूपे अनेक प्रकारया सलंसः अवतारी गुरुपि बिज्याना च्वन । द्बलंद्वो विहार गुम्बाल निर्माण जुल । लखैलख विविध धातुया माणेत प्रतिष्ठा यानातःल । अथेहे षडक्षरी मन्त्र अन्तर्गत विभिन्न मूर्ति, चित्र, सद्धर्मग्रन्थ उलिथुलि मदय्क खने दईच्चन । लिसेलिसे कोटान कोटि जापयाना पुरश्चरण च्वनीपि साधकतनं मदुगु मखु । हानं अरबौ अरब संख्या प्रमाणं षडक्षरी मन्त्र सि, लौह, सिजःपाता, ओहपाता, लुँपाता आदिसं 'ॐ मणि पद्मे हूँ' अङ्कित याना वईच्चन । अथेहे षडक्षरी मन्त्र च्वया अथवा छापेयाना ध्वजा पताका ब्वयेका वईच्चन । गनंगनंजा, पर्वतपर्वते, लखेलखे, आकाशं आकाशे तकनं वज्रलेप समानं सुरक्षित् याना तईःतगु दु धाई । अज अवलोकितेश्वर प्रति विशेष श्रद्धाभक्ति दुपि अर्थात् पुण्यसंस्कार स्वाःपि भाग्यमानि कुलपुत्र कुलपुत्रिपिन्सं विभिन्न पर्व उत्सवकाले पुण्यतिथिस विभिन्न थासे च्वना अनेक परिषदपि मुना साधक उपासक, उपासिका, भिक्षु, भिक्षुणी एवं गुरु वज्राचार्य, लामा, ध्येशे, लोम्वेन्, तुल्कु, रिम्पोछे आदि अवतारी लामागुरुपि समेत च्वना वसपोल महाकारुणिक आर्यावलोकितेश्वरया सुदृष्टि— अनुकम्पा वरदान प्राप्त जुईमा धईगु प्रवल ईच्छा याना वसपोलया रूपकाय— ज्ञानकाय— धर्मकाय— वज्रकाय— करुणामयया न्ह्योनेच्चना अधिष्ठानपूर्वक— प्रज्ञा, मुद्रा, मण्डल, व्याकरण, अभिषेक, मन्त्र, न्यास, ध्यान, साधना, योग, जाप, स्तोत्र, धारणी, पाठ, पूजा एवं मङ्गल प्रणिधान आदिया प्रकृया चर्या सभक्तिपूर्वक थौतकनं थुगु परम्परा न्ह्यानाहेच्चन ।

थ्वहे आदर्श व महिमा गुणकीर्ति प्रशंसायात श्रद्धाभक्ति तथा नेपाल अधिराज्यया विभिन्न थासे अवलोकितेश्वर करुणामयया शासनिक कीर्ति प्राचीनकालनिसें चले जुया वईच्चंगु खने दु । धाय्कि— काठमाण्डू उपत्यकाय् जक सिम्ति मजुसे परन्तु नेपाल अधिराज्यया सुदूर पूर्व, पश्चिमया राजा महाराजापिन्सं थःथःपिगु शिलाभिलेखे 'ॐ मणिपद्मे हूँ' मन्त्र किकातःगु प्रमाण खने दु । लुम्बिनीस्थित अशोकस्तम्भ, दुल्लु, दैलेख, जुम्ला, हुम्लाया शिलालेखया शिरोभागस सेञ्जाविराजा अरिमल्ल, रिपुमल्ल, जितारिमल्ल, पुण्यमल्ल, पृथ्वीमल्ल आदिपिन्सं यथोचित सन्मानयाना वया-च्चंगु प्रमाण इतिहास साक्षि दनि ।

थुगु रूपं नेपाःगाले स्वनिगलया विभिन्न ऐतिहासिक थासे विभिन्न लोकेश्वर प्रतिष्ठापित जुया च्वंगु खने दु । तर थन मूर्तिजक स्थापना याना वईच्चंगु मखु लोकेश्वरलिसे सम्बन्धित धर्म दर्शन,

मंस्कृति, कला, साहित्यया नं प्रचार प्रसार जुयाच्चंगु, यक्व यक्व खने दयाच्चंगु, थौतक ल्यनाच्चंगु अनेक थितिरिति न्वंवाना च्वंगु दु । धाय्कि—चोभाया आनन्दादि लोकेश्वर (आदिनाथ), तंगःवाहाया जटाधारी लोकेश्वर (मीननाथ), बूंगया बूंगमलोकेश्वर (मत्स्येन्द्रनाथ), जनवाहाया जमललोकेश्वर (सेतो मत्स्येन्द्रनाथ), नालाया पद्मपाणिलोकेश्वर, वदेगांया षडक्षरीलोकेश्वर, किण्डोलविहारया सहस्र भुजलोकेश्वर, स्वयम्भू पर्वतस्थाने चिन्तामणि लोकेश्वर, कुम्भेश्वरया सिंहनाद लोकेश्वर, मञ्जुश्री पर्वस्थाने पद्मनृत्यलोकेश्वर, शान्तिपुरी हालाहल लोकेश्वर, चांगुई हरिहरिबाहन लोकेश्वर, मंगःलायकूली सृष्टिकर्ता लोकेश्वर स्थापना यानातल । छगू विशेष उल्लेखनीय दुर्लभगु पद्मपाणि लोकेश्वरया विश्वरूप जुयाच्चंगु नं थनहे दु । थूगू विश्वरूपमूर्ति सिँ, ल्वहं व धातुया मज्जे चित्रमय पौभाया रूपेजक जूसां प्रदर्शित याना तईतःगु दु । थथे धाय्बले पाठकपित आश्चर्य जुईफु । थौतकयागु अनुसन्धाने उपलब्ध जूगु भावपूर्ण सुन्दरकलात्मक दुर्लभगु श्री करुणामयया छपा चित्र पौभा राष्ट्रिय संग्रहालय (छाउनी म्यूजियमे) सुरक्षित जुयाच्चंगु दु । थूगु चित्रमय पौभा करुणामयया साधक भक्त-जनपिन्सं अवश्य दर्शन पूजन याय् योग्यजू । थ्व पौभा पुरातात्त्विक ऐतिहासिक एवं कलात्मक दृष्टि अत्यन्त महत्वपूर्णगु जुयाच्चन । थूगु चित्रमय पौभा नेपाःया थूगुहे विशेषता खः । अज परम्परालिसे मिलेमज्जुगु निगुप्यंगु मूर्तित अदृश्यरूप च्वनाच्चंगु दु । धाय्कि उदाहरणया लागि पद्मपाणि लोकेश्वरया शिरे शतप्रतिशत धर्इथें अप्वःयाना ध्यानमुद्रा अमिताभ तथागत धारणयाना च्वंगु खनि । तर, यल आल्कोहितिया पुष्पबाटिकाया पःखाले च्वंगु मूर्तिस भूस्पर्शमुद्रा अक्षोभ्य तयातःल । थथेहे वरदमुद्रा रत्नसम्भव तथागत शिरे धारण यानाच्चंगु मूर्ति स्वयम्भू जङ्गले दु । हानं दना च्वह्य भविष्य व्याकरण मुद्रा बुद्ध मुकुटस तयातःगु लोकेश्वरमूर्ति स्वयम्भू मूर्ति संग्रहालये, मयूरवर्ण महाविहारया ननि व श्रीधः विहारे स्थापना याना तःगु दु । थूगुकथं हानं मेगु छगु अलंकार रहितगु विरक्तप्रधानगु मूर्ति यन वामुकनाम विहारया त्रिचैत्यक्वसं स्थापना यानातःगु दु । हानं छगु विलक्षणगु मूर्ति थ्व दु कि—अक्षमाला, पद्मधारण याना अभय व वरदमुद्रा याना दनाच्चंगु लोकेश्वरमूर्ति । तर थूगु मूर्तिया जःगु छपा ल्हा कलाकारं मूर्ति दय्कूगु समये तय्लोभंगु लिसं न्हाय् म्हुतु व ल्हाःतुतिया पति व अलंकार समेत ज्याना मतःनिगु जुयाच्चन । थूगु मूर्ति गुह्येश्वरी श्लेष्मान्तक वनस लानाच्चंगु दु । थथेहे हानं मेगु पद्मपाणि लोकेश्वरया प्रस्तरमूर्ति छगु दु—थूगु मूर्ति अद्भुतनक्सां विकृति जुयाच्चन । तर थूगु मूर्ति शमसुदीनया आक्रमणया हूले लाःगुनं मखु, सुनानं दुष्टचित्त तया प्रहार यानातःगुनं मखु, अथवा प्राकृतिक प्रकोप भूकम्पया कारणं विरूप जूगुनं थ्व मखु, असावधानया कारणं क्षति जूगुनं मखु, खासयाना थ्वजा गनं खुसिया किनारे अथवा पर्वतं क्वहाँवया च्वंगु लःया भरनाया वेगं लाना क्रमशः लखें छ्वागुलि जक ज्यला ववें कलाकृति अनुहार अस्पष्ट जूगु धका भीमं अनुमान याय्फु । थूगु मूर्ति आपालं समयतक खुसिया लखें छ्वाना अस्पष्ट जूगुलि थुकिया गताब्दी निर्धारण याये

अपु मजू । थुगू मूर्ति वर्तमान मृगस्थलिया पःखा ववसं फले स्थापना यानातःगु दु । जितः धाय्मास्ति व- थुगु मूर्ति आर्यघाटया न्हुसिकापे लाना च्वंगु लिपा सौभाग्यवश दर्शन प्राप्तजूगुलि उगु थसं हया स्थानान्तर याना सुरक्षित् यानातःगु जुई धैगु अनुमान । थथेहे हानं छगु मेगु असाधारण प्रभयुक्त अवलोकितेश्वर पद्मपाणिया मूर्ति दु । थुकी रत्नप्रभा, पद्मप्रभा, वज्रप्रभा एवं अग्निप्रभा मतसे वाशिष्ठ उपोषधव्रतकथा सम्बन्धी घटनाया संस्मृतियात कया खण्ड खण्ड याना प्रभामण्डलया रूपे अङ्कित यानातःगु जुल । गथेकि धर्षदत्तचैत्यया प्राङ्गणे च्वंगु आर्यताराया मूर्तिथे कथायुक्त प्रभा अलंकृत याना शोभावृद्धि यानातःगु जुल । थ्व सुन्दर कलात्मक पद्मपाणिया मूर्ति छगु दशक न्ह्यः श्री स्वयम्भू महाचैत्यया पूर्वपाखेया पाः भोतुना वनाच्च्वंगु इले स्वयम्भू भूक्षय विनाशपाखें सुरक्षित् याय्गु कार्यक्रमया भोले पुरारात्त्विक विधिकथं उत्खनन याबले उपलब्ध जूगु मूर्ति खः । थूगु मूर्तित अवलोकितेश्वरया मूर्तिकलाया क्षेत्रे थःगुहे विशेषता व महत्व कयनाच्च्वंगु जुल ।

नेपाःया निर्मित अवलोकितेश्वरया आत्मकथा सांस्कृतिक पृष्ठभूमि अत्यन्त महत्वपूर्ण जू । छाया धासा पशुपति वन धासा अप्वःयाना शैवी धर्मविलम्बीपि जक वना भवितभाव यावना च्वनी । स्वयम्भूई वन धासा बौद्धधर्मविलम्बीपि जक अप्वः भावभक्ति याना च्वंगु खनी । तर, आर्यावलोकितेश्वर करुणामय बृंगमलोकेश्वरया थाय् वना सो वन धासा अन सु बौद्ध, सु शैव, सु वैष्णव, सु शाक्त छुं भेदभाव खनी मखु गथेकी धः खुसि नदी मिलेजुया वना सागरे परिणत जूवथे सम्पूर्ण प्राणिमात्रया आश्रमस्थान जुयाच्च्वंहा वसपोल आर्य अवलोकितेश्वर करुणामय जुल ।

अतःएव वसपोल करुणामय सम्बन्धी संस्कार, संस्कृति परम्पराया इतिहास अध्ययन अनुसन्धान याना स्वत धासा निसन्देह नेपाःया व्याक्व सम्प्रदाययात छगूहे सूत्रे प्रतिबद्ध याना तईतःगु खः धईगु प्रमाणित व सिद्ध जूव । अकि वसपोलया चरित्रगुण अपार खः, विचित्र खः, गनं मदुगु थःगूहे विशेषतां जायाच्च्वंगु नेपाया विशुद्ध आदर्श खः, गौरवमय परम्परा खः । थ्ववसपोल त्रिभिन्नभुवनया आधिकारिक पूज्यदेवता जुयानं थौं ललितपुर महानगरया निर्मित अधिष्ठाता स्वरूप जुया विराजमान जुयाच्च्वंगु दु । थ्व भीगु लागि अपार हर्ष व गौरवमय विषय खः ।



आ धनंलि रथया अर्थ विशुद्धि:-

उपर्युक्त वर्णन अनुसारं वसपोल करुणामय आर्यावलोकितेश्वर बृंगमलोकेश्वरया महिमा प्रसिद्धि गुलिदु धईगु विषयकया संक्षिप्त वर्णन याय्धुंगू जुल । आ वया थन वसपोल विराजमान जुयाच्चंगु, प्रस्थान कूटागार सुवर्णविमान रथस दईच्चंगु, विभिन्न अंग प्रत्यंगस सुसज्जित यानातईतःगु अलंकारिक बुट्टा केवल शोभाबृद्धि निर्मित जक मज्जे ज्ञानगुण लक्षण धर्मदर्शनया भाव सन्निहित जुयाच्चंगु दु धईगु भीमं थुईकेमा सिय्केमा अध्ययन याय्मा ।

प्रसङ्गवस थन उगू विषयकया छत्वाचा खँ न्ह्यथनेगु कुतःयाय् । प्रातःस्मरणीय श्रद्धेय भी पूर्वाचार्य वसपोल गुरु श्री वन्धुदत्त आचार्यजुया कुशलनिर्देशन आभ्यन्तर प्रेरणा अद्भुतकल्पनां रचना यानातःगु सद्भावनायुक्त मौन धर्मदेशनाया रूपे सुप्रतिष्ठित याना तईतःगु, दिव्य भावनाया शुभप्रतीक सांकेतिक लक्षण निर्देशन याना वयना तईतःगु रहस्यमयतत्त्व थुगु रथया दुने मुलाच्चंगु दु ।

खतु, थुगु बृंगद्यःया रथस छयलातईतःगु विभिन्न सरसामग्री व अलंकारिक वस्तु लुखा, तोरण, थां, तिकिइया, भंगि, तंगि, मेथ, किंकिनीजाल, लिंवि, वज्रावली, पद्मावली, चक्रावली एवं हरिञ्चक (धर्मचक्र) व घण्ट, पताक, छत्र, ध्वज आदि छगुछगुया छगुछगुहे अर्थविशुद्धि भावनाकथं थुकी धर्म दर्शन ज्ञान मुलाच्चंगु दु । थुकी इवात स्वयंबले रथया घःचालनिसँ कया कःसिम्बः, पिखाद्वार, चन्द्र-सूर्य, व लःसि, ग्वाराबाय्म्बः, केराबाय्म्बः (अमृतःसा) धकिबाय्म्बः तथा चोलामू तक्कनं छथी छहाकः जूसां थुकी स्वंगु भागय् विभक्त जुयाच्चंगु खनेदु । थथे धाय्बले पाठकपिन्त अलमल जुईफु । थथे भ्रम मज्जेमा धईगु हेतुं थन स्वंगु भागय् अलग अलग याना वयने-

न्हापांगु अर्थ विशुद्धि-

गुबले नेपाले भिनिदँतक अनावृष्टि जुया दुर्भिक्ष जुल । थुगु दुर्भिक्ष शान्त याना सहकाल याय्-निर्मित गुरु वन्धुदत्त आचार्य, जुजु नरेन्द्रदेव व रथचक्र भरिया अले कर्कोटक नागराजपि मुना कामरु-कामाक्ष देशे वना वसपोल करुणामय श्री बृंगमलोकेश्वर नेपाले बिज्याकल धईगु विषययात कयानं लुमंकेगु ऐतिहासिक भावनाकथं थुकी दुध्याकतःगु दु ।

निगूगु अर्थविशुद्धि-

तन्त्रवज्रयानया सिद्धान्त अनुसारं- थ्व पृथ्वीया सृष्टिक्रम पृथ्वीया दकले सकले ववय् विश्ववज्र दु धयातल । थ्वहे विश्ववज्रयाकें क्रमशः सर्वप्रथम वायुमण्डल उत्पत्ति जुई । थ्वहे वायुमण्डलं अग्निमण्डल उत्पत्ति जुई । थ्वहे अग्निमण्डलंयाकें जलमण्डल उत्पत्ति जुई । अले जलमण्डलयाकें पृथ्विमण्डल उत्पत्ति जुई । थ्वहे पृथ्विमण्डलं सुमेरुमण्डल उत्पत्ति जुयाच्चंगु धका वर्णन यानातल ।

स्वंगु अर्थविशुद्धि-

गुलिनं बुद्धपिन्सं उपदेश व्यंगु- सूत्र, विनय, अभिधर्म व तन्त्र दु । उगु सम्पूर्णं शास्त्रवचनया सारतत्त्वज्ञानया संक्षिप्तीकरण याना ३७ गू अंगे सन्निहित जुयाच्चंगु दु धईगु विषययात कयानं थन सांकेतिक भावना निर्देशन याना कयनातःगुनं दु ।

थुगू स्वंगु भावनाक्रमया भोले आ थन न्हापांगु अर्थविशुद्धि यात कया न्ह्यथनेगु कृतः याय्-

- १) बूंगद्यः काःवंबले मार्गसहायक जूह्य कर्कोटकनागराज धःमा जुल ।
- २) अले थूगू धःमाया न्ह्यःने च्वंह्य विन्दुपात्रधारी क्रोधमूर्ति भैलःखापा बूंगया ह्यग्रीव भैरव जुल ।
- ३) बूंगद्यः कयाहःबले बूंगद्यः कुविया हपिं प्यह्य भैरवया प्रतिनिधिरूपे प्यचाः घःचा जुल । थुपि खः-

हलसिद्धि भैरव' . . . जल्हदेशया
 लुप्तहास भैरव' . . . त्यांगा देशया
 लुन्दि भैरव' . . .
 कुन्दि भैरव' . . . लुंभूदेशया

- ४) बूंगद्यःया खःजलास तयातःपि विभिन्न वाहनया मतलब थथे खः-

सप्त हंसमूर्ति' . . . सृष्टिकर्ता ब्रह्माया प्रतिनिधि
 सप्त गरूडमूर्ति' . . . स्थितिकर्ता विष्णुया प्रतिनिधि
 सप्त वृषमूर्ति' . . . संहारकर्ता महेश्वरया प्रतिनिधि
 प्यह्य ब्वसल' . . . प्रकाशनकर्ता सूर्यया प्रतिनिधि
 च्याह्य ब्वसिह' . . . जगत्पालनकर्ता स्वयं रथया दथुस विज्यानाच्चंह्य करुणामय
 श्री बूंगमलोकेश्वर जुल ।

- ५) रथया प्यखेरसं च्वंगु प्यंगु द्वारया फुसे ध्यानमुद्रा बुद्ध अंकित तोरण तया शोभावृद्धि यानातःल ।

थ्व खः वसपोल करुणामय अवलोकितेश्वरया थव गुरु श्री अमिताभ तथागत थगु लुखा फुसे तया गुरुया अनुस्मरण याना स्वागतसन्मान यानातःगु भावना जुल ।

- ६) थुगू बूंगद्यःया रथ सुईनिकु हाकःया प्रमाणं उच्चा जुया च्वंगु दु । थ्व खः सुईनिगु लक्षणगुणं परिपूर्णं जुया च्वंगु दु धैगु अर्थ जुल । मेगु अर्थ थुकीयात त्रिधातु भुवनस जम्मा ३३ श्रेणीया प्रतिनिधित्व माने यानातःगु धाई ।

- ७) थ्वहे रथया बिचे चन्द्रसूर्यनं तयातःगु दु । थ्व जुल थुगु त्रिधातु भुवनया अन्तरे च्वना दिन-रात्रिया संभनाकथं चन्द्रसूर्य तया कयना तःगु जुल ।

- ८) थुगु रथया च्वय्यागु भागे ग्वाराबाय्म्बः अम्बसाः तयातल । थ्व दलछिहः दईच्चंगु पलेस्वाँ आसन तया आदिबुद्ध श्री स्वयम्भूयात सन्मान यानातःगु धैगु अर्थ ख ।

- ९) थुगु सुवर्णमय अम्बःसाःया च्वय् धकिबाय्म्बः तयातल । थ्व जुल सकल भुवनयात आरक्षा निम्ति वसपोलया महामैत्री महाकरुणारूपी विपुलगु धर्मच्छत्रं कुईका शोभावृद्धि यानातःगु धईगु अर्थ जुल ।
- १०) थ्वहे धकिबाय्म्बःले घण्टमालां चाहुय्का तःगु दु । थ्व जुल दशदिग्लोकधातुस महाकरुणया सद्धर्म सन्देश न्यंकाच्चंगु, प्रचार प्रसार यानाच्चंगु धैगु धर्थ खः ।
- ११) धकिबाय्म्बःयानं छःने आदिबुद्ध श्री स्वयम्भू (वज्रसत्त्व) या सुवर्णमूर्ति विज्याकाःतल । थुकिया मतलब खः वसपोल करुणामय आदिबुद्धया व्याकरण अभिषेक कया जगतोद्धारया लागि पलखहे आराम विश्राम मकासे अचिन्त्य लोकधातु परिभ्रमणयाना सद्धर्मबोधिज्ञान शिक्षा दीक्षा बिया बिज्याना च्वंहा धैगु अर्थ जुल ।
- १२) अज थुगु धकिबाय्म्बःया छःदुने षडक्षरीमन्त्र (ॐ मणिपद्मे हूँ) अंकितयाना ध्वज ध्वंय् छपु फरफरं ब्वय्का रथया श्रीशोभा वृद्धियाना तःगु दु । थुगु षडक्षरी मन्त्रयुक्त भण्डा ब्वय्कागु प्रभावं देशोपद्रव विघ्नबाधा, अनिकाल, दुर्भाग्य, महामारी, शान्तजुया सद्धर्मबोधि शासन उन्नत व विकास जुया सर्वत्र सर्वदाकालं महामङ्गल जुयाच्चनेमा धैगु हेतु अधिष्ठान-पूर्वक तयातःगु जुल ।
- १३) लिसें थुगु रथस गथेकि— पहाडपर्वतया च्वकां वनजङ्गलस निर्मल, स्वच्छ, पवित्र पंचरश्मि-युक्त लःधाः क्वहाँ वयाच्चंगु थें अतिशोभायमान जुईक वाउंगु लःस्वानं छायापिया तःगु रथया दथुस बहःया विजयपताका ब्वय्का रथया श्री शोभावृद्धि यानातल । थुकिया मतलब खः वसपोल करुणामयया अपरिमित गुणज्ञानरूपी सुयशकीर्ति समस्त भुवने प्रचार प्रसार जुयाच्चंगु दु धैगु भावना जुल ।
- १४) थ्वहे रथया जवपाखे छपु जंगलः साय्कातःगु दु । थ्व जुल— देवलोकपिन्त करुणाधर्म संग्रह याकेत साय्केत तयातःगु जुल ।
- १५) अथेहे खवपाखेनं छपु जंगलः साय्कातःगु दु । थ्व जुल दैत्य यक्ष राक्षसादिपिन्त करुणाधर्म साय्केत तयातःगु धैगु अर्थ खः ।
- १६) एवंगु रथया न्ह्यःनेच्चंगु घःचाले साय्कातःगु खिपःजक मनुष्यलोकपिन्त करुणाधर्म संग्रह याकेत तयातःगु धैगु अर्थ जुल । थुकिया तात्पर्य खः — सकल लोकजनं आश्रययाय् योग्यगु साधनयाय् परम आवश्यक जुयाच्चंगु गुगुखः सर्वधर्मया श्रीशोभा जुयाच्चंगु, दशपारमिता गुणया सारभूत जुयाच्चंगु महाकरुणा खः । थ्वहे महाकरुणा (बोधिचित्त) हे विश्वशान्तिया हेतु मूलकारण जुयाच्चंगु निम्ति भीमं वसपोल करुणामययात सदासर्वकालं सालेमागु निश्चयनं

खः धैंगु अर्थे हर्ष उल्लासपूर्वक वाद्यवादन सहित याना करुणामय साःवनेगु धयाःतगु जुल ।
यदि थुगु ज्ञान मन्त धाःसा केवल खिपःजक साःवंगु जुई । वास्तविक अर्थे करुणामय साःवंगु
सिद्ध जुई मखु ।

१७) करुणामय द्यःके वनेबले, लःसेवा वनेबले वसपोलया पालिख्वाँय् श्री चरणकमल् पादुकाया दर्शन
याना वयाच्चना । थुकिया उद्देश्य खःकि- वसपोल करुणामयया पूजा भावभक्ति याय्धुंका
लिपा हानं छकः वसपोलया पालि छकः दर्शन याय् धका पाञ्जुयात अनुरोध यानाच्चनी
हालाच्चनी थुकिया आशय थ्व खः कि-

नेपाःया अनावृष्टि दुर्भिक्ष शान्त याय् निर्मित उत्साह व वीर्यपूर्वक लाख् लसिया देशे वना
अनेक विघ्नवाधा व दुःखकष्ट सहयाना यक्वः जत्तजुक्ति याना करुणामय लानाहया नेपालस सुख
सुभिक्ष याना लोक उद्धार यात । थुगु महान् शुभ कार्य सफल याय्धुंका अन्तस वसपोल श्री करुणा-
मयया पालिस अन्तर्धान जुया लीन जुया वर्षि वीर अमर शहीद परम श्रद्धेय गुरुवर आचार्य श्री
वन्धुदत्त, अनन्य प्रजावत्सल जुजु नरेन्द्रदेव व परम उत्साही भरिया कृषक रथंचक्रपिगु अटल गुणानु-
स्मरणकथं भीसं बुंगद्यःया पालि दर्शन याना वईच्चनागु अर्थ जुल ।

आःथन निगूगुपत्ति अर्थ विशुद्धि विचाः याय्-

तन्त्रवज्रयानया धावु अनुसार- थ्व भूमण्डल पृथ्विया सृष्टिक्रम उत्पत्तिया विकासरूप निम्न-
श्लोक अनुसार मानेयाना वईच्चंगु दु । थुगु श्लोक गुरुमण्डलार्चन पूजा याईबले आदिबुद्ध गुरुवज्रसत्व
लुमंका ध्यान याईबले जक व्वनीगु खः-

ॐ मन्त्राधिष्ठित भूमिमध्ये
यँकारादि चतुर्वीजसंजातं ।
महाभूतं वाय्वग्निजलावनि
तत्रोपरी सुंकारेण सुमेरुमण्डलं ।
रत्नसिंहासनं तत्र पद्मचन्द्रे
श्री वज्रसत्वमात्मानं ध्यायेत् ।

सर्वप्रथम थुगु बुंगद्यःया रथ दयकुबले गुरु वन्धुदत्त आचार्यजुं थ्वहे श्लोकया प्रमाण अनुसारं
लक्षण भावना मिलेयाना रथया परिकल्पना याःगु खने दु-

गथेकि- यँकारवीजं उत्पत्ति जूगु वायुमण्डलया अर्थे घःचा खडा यात । अले थ्वहे वायुमण्डलया
द्यने रँकारवीजं उत्पन्न जूगु अग्निमण्डल स्वरूपं घःचाले त्रिअग्निया प्रमाणं स्वंगःमिखा तथा व्यूगु
जुल । थ्वथेतुं वँकारवीजं जलमण्डल उत्पत्ति जूगु प्रमाणं जलाधिपति कर्कोटक नागराज घःमा तथा
बिल । हानं थ्वहे जलमण्डलया द्यःने लँकारवीजं उत्पत्ति जूगु पृथ्विमण्डल स्वरूपं प्यकुंलागु खःजला

स्थापना यात । अज ध्वयानं दयःने सुंकारवीजं उत्पत्ति जूगु सुमेरुमण्डलया हिंसावं अष्टशृङ्ग, चतुर्द्वीप, सप्तरत्न एवं भिखुगु उपद्वीप व चन्द्रसूर्य चाहुलाच्वंगु समेतया सांकेतिक भाव अंकित याना सुईःनिकु हाकःया प्रमाणं उच्चा याना पौलि हिना प्राकृतिक वातावरणे मिले जुईक वाउँगु लःस्वानं छायापिया थःगुहे धंगें रथ दय्का पृथ्वी चाहुला च्वंगु दु धैगु किसिमं संकेत क्यना धूसुहूँ रथ न्ह्याकेगु याना थाय्थासे याःन्याकेगु व्यवस्था समेत मिले याना थकुगु जुल ।

थुगुया रथया प्यकुने प्यहा चतुर्महाराजपि आरक्षादेवता स्वरूपं तयातःगु जुल । थुमिगु नां थथे खः—

- १) पूर्व विदेह द्वीपया अधिपति धृतराष्ट्र महाराज
- २) दक्षिण जम्बुद्वीपया अधिपति विरूढक महाराज
- ३) पश्चिम अपरगोडानीय द्वीपया ' ' विरूपाक्ष महाराज
- ४) उत्तर कुरुद्वीपया अधिपति वैश्रवण महाराज

सुमेरुया च्यागु प्रसिद्ध पर्वतया संभनाकथं रथस गथाम्बः तयाबिल । उगु पर्वतया नां थथे खः—

- | | |
|-----------------|-----------------|
| १) सुमेरु पर्वत | २) युगंधर पर्वत |
| ३) ईषाधर " | ४) खडिरक " |
| ५) सुदर्शन " | ६) अश्वकर्ण " |
| ७) विनतक " | ८) निमिन्धर " |

सुमेरुया भिखुगु द्वीपान्तर विभाजनया लुमन्तिकथं रथस भिखुगुः लःसिनं चाहुईकातल । उगु द्वीपान्तरया नां थथे खः—

- १) पूर्व विदेह द्वीपया बिचे— देह, विदेह, उपद्वीप
- २) दक्षिण जम्बुद्वीपया बिचे— चामर, अवरचामर, उपद्वीप
- ३) पश्चिम अपरगोडानीय बिचे— शाठ, उत्तरमन्त्री, उपद्वीप
- ४) उत्तर कुरुद्वीपया बिचे— कुरु, कौरव, उपद्वीप

सुमेरुस चाहुलाच्वंगु सप्तरत्नया प्रमाणं थाय् थासे न्ह्यगःरत्नया परिकल्पना यानातःगु दु । उगु सप्तरत्नया नां थथे खः—

- | | |
|----------------|-------------|
| १) चक्ररत्न | २) अश्वरत्न |
| ३) हस्तिरत्न | ४) मणिरत्न |
| ५) स्त्रीरत्न | ६) खड्गरत्न |
| ७) परिनायकरत्न | |

थुगु पृथ्विमण्डलया दकले सकले क्वय् रसातल पातालनिसें कया क्रमशः देवभुवनया दकले सकले च्वय् लानाच्वंगु अकनिष्ठ भुवनतकया दुने दया च्वंगु गुलिनं लोकधातु श्रेणी विभाजन जुयाच्वंगु खः, उलिहे प्रमाणं रथया उच्चाई मिलेयाना तःगु जुल । उगु भुवनया नां थथे खः—

चातुर्महाराजकायिका, त्रायत्रिंशा, तुषिता, यामा, निर्माणरहित, परनिर्मितवशवर्ति, ब्रह्म-कायिका, ब्रह्मपुरोहिता, ब्रह्मपार्षद्या, महाब्रह्मन, परिताभा, अप्रमाणाभा, आभाश्वरा, परीत्तशुभा, शुभकृत्सना, अनभ्रका, पुण्यप्रसवा, बृहत्फला, असंज्ञिसत्वा, अबृहा, अतपा, सुदृशा, सुदर्शना, अकनिष्ठा ।

नेपाया बौद्धवंशावली स्वयम्भूपुराणया कथन अनुसार— कालीह्रदस विपश्ची तथागतं पलेसकिपु पिना अलौकिक सहस्रदल पलेस्वां होय्कल थ्वहे पलेस्वांनिं बिज्याह्य ज्योतिरूप श्री स्वयम्भू आदिबुद्ध अकनिष्ठभुवनं बिज्यात धका उल्लेख यानातःल । थ्वहे आदर्शयात कया गुरु वन्द्युदत्तजुं थुगु रथया दकले सकले च्वय् वसपोल स्वयम्भू भगवान् बिज्याकुगु जुल धैगु प्रमाणसिद्ध यानाबित्त । थुगु परम्परा थौतकनं विद्यमान तिनि ।

थुगु रथया च्वय्मं मखु क्वय्मं मखु बिचेलोक चन्द्रसूर्यनं तथा व्यूगु दु । थ्व चन्द्रसूर्य शोभाया लागि तःगु मखु । थ्वजा कामधातु व रूपधातुया बिचे थःगु गन्तव्यस्थान गुलितक्क चाहुलीगु खः उलितक्कयागु भुवनया परिधीस च्वना चंक्रमण याना दिनरातया भाव प्रदर्शित यानाच्वंगु धैगु अर्थ जुल ।

आः थनंलि रथया स्वंगुगुपत्ति अर्थबिशुद्धि जुल—

सर्वज्ञ बुद्ध भगवान्पिन्तं प्राणिपिगु हितसुख शान्ति निर्मित अनेक उपायकुशल मार्गं क्यना बुद्धधर्मे दीक्षित् याना प्राणिपिन्त उद्धार यानाच्वन । थुगु बुद्धधर्म अन्तर्गत देशकाल परिस्थिति अनुसार व श्रोतागर्णपिगु पुण्यमंस्कार अनुसारं श्रावक, प्रत्येक, महायान, तन्त्रवज्रयान उपक्रियायोग महाअनुअति पर्यन्त शाखा उपशाखा दर्ईच्वंगु खँ सूत्र तन्त्रे उल्लेख जुयाच्वन । तर थुगु सम्पूर्ण सूत्र तन्त्र चय्प्यद्वल धर्मस्कन्ध, खुईप्यंगु लाख तन्त्र व न्येन्यागु कोटि पारमिता शास्त्रया नं सारभूतयाना जम्मा सुई-न्ह्यगु बोधिज्ञान 'सप्तत्रिंशबोधिपाक्षिक धर्म' यात केन्द्रीत यानातःल धैगु खँ स्वयम्भू पुराणया चतुर्थ अध्याय थथे वर्णन याना तईतल—

ततो दिदेश भगवान् धर्मान् सम्बोधिपाक्षिकात्
सप्तत्रिंशतिर्युक्तान् सर्वज्ञैरपि भाषितान् ।
अतीतैरपि बुध्दैश्च अनागतैस्तथा अपि
प्रत्युत्पन्नैश्च सर्वज्ञैरिदमुक्तं तथागतैः ।
अर्हद्भिः बोधिसत्त्वैश्च महासत्त्वैस्तथा अपि
दशदिशुस्थितिश्चापि सर्वैस्तथागतैरपि ।

प्रतिदिने प्रतिमासे प्रतिक्षेत्र च वर्णितम्
 स्थवीरैः वैतरागैश्च भिक्षुभिक्षुप्यासकैः ।
 धारितं वाचितं सर्वैरत्यर्थञ्च प्रकाशितम्

थुगु श्लोकया मतलब थथे खः कि- गुलिनं भगवान् बुध्दं उपदेश याना बिज्यागु खः, उगु सम्पूर्ण उपदेशया उद्देश्य लक्ष थ्वहे 'सप्तत्रिंशद्बोधिपाक्षिक धर्म' यात यथार्थरूपं बोधयाकेया निम्ति, साक्षात्कार याकेया निम्ति आज्ञा जुया बिज्यागु जुल । थ्वहे सारभूत तत्त्वज्ञानयात कया त्रिकालया सर्वज्ञ तथागतपिन्सं कना बिज्यागु 'सप्तत्रिंशद्बोधिपाक्षिक धर्म' यात श्रद्धा एवं गौरवपूर्वकं ग्रहणत्पिन्सं बोधिसत्व महासत्त्वपिन्सं एवं भिगु दिशास बिज्यानाच्चर्पि तथागतपिन्सं प्रत्येक दिने प्रत्येक महिनाय् प्रत्येक थासे प्रचार प्रसार याना वडिच्चंगु थुगु महत्वपूर्ण सारगर्भित ज्ञानयात स्थवीर वीतराग भिक्षु भिक्षुणी तथा उपासक उपासिकापिन्सं श्रद्धा गौरवपूर्वकं धारण वाचन याकेया निम्ति विस्तारपूर्वक प्रकाशन यानातःगु धका प्रशंसा यानातःगु जुल ।

थुजागु आदर्शयुक्तगु महत्वपूर्ण ज्ञानया शुभप्रतीक दिव्यभावनाया सांकेतिक लक्षणगुण सहित यानातःगु करुणामयया रथया सुवर्णविमान खःजलाया अर्थविशुद्धि हेवज्जप्रकाशतन्त्र अनुसार निम्न प्रकारं वर्णन याना तर्जितःगु खने दु-

तन्मध्ये उक्त वाय्वादि चतुर्महाभूतं परिणतं कूटागारं
 अस्य च चतुरस्रं वज्रसूत्रं च पञ्चेन्द्रियविशुद्धया ।
 चत्वारि द्वाराणि चतुःस्मृत्युपस्थानविशुद्धया ।
 चत्वारस्तोरणश्चतुः प्रहाणविशुद्धया ।
 चतुर्वेदिकाश्च चतुःकृद्धिपादविशुद्धया ।
 चत्वारः कोणाहारार्धहारपञ्चवलविशुद्धया ।
 आर्याष्टाङ्गविशुद्धयाऽष्टौस्तथा प्रकल्पिताः ।
 सप्तबोध्यङ्गविशुद्धया पक्षिणीक्रमशीर्ष
 छत्र- चामर- वितान- घण्टपताकाश्च
 एवं सप्तत्रिंशद् बोधिपाक्षिकधर्मविशुद्धया ।
 इत्थंभूतं प्रतीत्यसमुत्पन्नं परिशुद्धबुद्धक्षेत्रं
 संक्षेपरूपं महामोक्षपुरं विभाव्य ।

थुगु भावना अनुरूप बृंह्यःया रथया सुवर्णविमानस क्रमशः न्हापालाक प्यंगु दिशास प्यंगु लुखा तगाबिल । थुकियात चतुस्मृत्युपस्थान ज्ञान धाई । थुगु लुमंकेपाःगु प्यंगु स्मृतिज्ञान छु धासा-

१) कायानुस्मृत्युपस्थान

२) वेदनानुस्मृत्युपस्थान

३) चित्तानुस्मृत्युपस्थान

४) धर्मानुस्मृत्युपस्थान

अनंलि थ्वहे प्यंगु द्वार फुसे प्यंगु तोरण तथा शोभावृद्धि यानाबिल । थुकीयात चतुस्सम्यक् प्रहाण ज्ञान धाई । थुगु प्यंगु भिन्नकं फुकेमाःगु ज्ञान छु धासा-

१) अनुत्पन्नानां कुशलानां समुत्पाद

२) उत्पन्नानां कुशलानां संरक्षणं

३) उत्पन्नानां अकुशलानां संप्रहाणं

४) अनुत्पन्नानां अकुशलानां अनुत्पादनं

एवं रूपं थुगु लुखाया लिकसं प्यंगु फः तथा बिल । थुकीयात चतुःऋद्धिपाद ज्ञान धका धाई । थुगु प्यंगु पराक्रम क्यनेमाःगु दु । व छु धासा-

१) छन्द ऋद्धिपाद

२) वीर्यं ऋद्धिपाद

३) मीमांस ऋद्धिपाद

४) चित्त ऋद्धिपाद

थुगु रूपं विमानया प्यकुने कान्नेसे हार अर्धहार किंकिणीजाल लिंविं तथा भःभः धाय्कल । थुकीयात पञ्चबल ज्ञान धका धाई । थ्व न्यागु बल दय्केमाःगु छु धासा-

१) श्रद्धाबल

२) वीर्यबल

३) स्मृतिबल

४) समाधिबल

५) प्रज्ञाबल

थथेहे विमानया प्यखें प्यंगु किनारा तथा वज्रसूत्रं हिना बिल । थुकीयात पञ्चेन्द्रिय ज्ञान धका धाई । थ्व न्यागु इन्द्रियं पुरे याय्माःगु छु धासा-

१) श्रद्धेन्द्रिय

२) समाधीन्द्रिय

३) वीर्येन्द्रिय

४) स्मृतीन्द्रिय

५) प्रज्ञेन्द्रिय

अनंलि कूटागार विमानरथ लक्षणयुक्त शोभावृद्धि निर्मि अज वज्रकर्मशीर्षं प्रमाणं पी व थ्वया लिकसं छत्र, ध्वज, चामर, वितान, घण्ट व पताका तथा भः भः धाय्कल । थुकीयात सप्तबोध्यंग ज्ञान धका धाई । व न्हय्गु बोधिज्ञानया अंग छु धासा-

१) स्मृति संबोध्यङ्ग

२) धर्म प्रविचय संबोध्यङ्ग

३) वीर्य "

४) प्रीति "

५) प्रश्रब्धि "

६) समाधि "

७) उपेक्षा "

थुलि अंगलक्षण सहित याना लिसें रथया दिग्विदिगे च्यागः थां स्वाना बिल । थुकीयात आर्य
अष्टांगिक मार्ग ज्ञान धका धाई । थुगु भिंगु आर्यपिगु च्यापु लैपु छु छु धासा-

- | | |
|------------------|------------------|
| १) सम्यक् दृष्टि | २) सम्यक् संकल्प |
| ३) " वाक् | ४) " कर्मान्त |
| ५) " आजीव | ६) " व्यायाम |
| ७) " समाधि | ८) " स्मृति |

थुगु किसिमं सप्तत्रिंश बोधिपाक्षिक ज्ञान सुईन्हयगु बोधिपक्षया ज्ञानगुण लक्षणं सहित याना लिसें
प्रतीत्य समुत्पन्नयाकें नं परिशुद्ध जुयाच्वंगु मानो बुद्धक्षेत्र तुल्य जुयाच्वंगु अर्थात् संक्षेपरूपं धाल धासा
थुकीयातहे महामोक्षपुर धका भावना या, चिन्तना या धका विस्तारं वर्णन यानातःगु जुल ।

अज थन प्रतीत्य समुत्पादज्ञानया विशुद्धिया अर्थे थुगु सुवर्णविमानस तिकिड्या लुखा च्यादुवा व
पिखाद्वार प्यदुवा समेत याना भिनिगु द्वार क्यनातैतःगु दु । थुगु भिनिगु द्वारयात 'द्वादशाङ्ग' प्रतीत्य
समुत्पादज्ञान विशुद्धिया अर्थे कयातःगु जुल । थुगु प्रतीत्य समुत्पादज्ञानयात सुनां गुह्यसिनं यथार्थरूपं
अवबोध याना, साक्षात्कार याना काई उह्येसिनं निश्चयनं तथता, धर्मता, शून्यता खंका धर्मश्री
प्रज्ञापारमिताया दर्शन लाई । लिसें सम्यक्संबुद्धत्वज्ञाननं लाभ याना काईह्य जुई धका आर्यशालिस्तम्भ
सूत्रे आर्यमैत्रेय बोधिसत्वं आयुष्मान् शारिपुत्रयात थथे आज्ञा जूगु दु-

यदुक्तं भगवता धर्मस्वामिना सर्वज्ञेन यो भिक्षवः प्रतीत्यसमुत्पादं

पश्यति स धर्मं पश्यति । यो धर्मं पश्यति स बुद्धं पश्यति ।

अज थुगु भिनिगु द्वारयात प्रतीत्य समुत्पाद ज्ञानया अर्थे विशुद्धि रूपे जक मखु कि- असह्य
प्राणिपिगु हितसुख शान्तिया लागि बोधिसत्व महासत्व महाकारुणिकपिन्सं भिनिगु वशिता प्राप्त
याय्माःगु दु- उगु दिव्यभावनाया संस्मरण कथनं परिलक्षित यानातःगु दु व छु धासा-

- | | |
|-------------------|---------------------------|
| १) आयु वशिता | २) चित्र वशिता |
| ३) परिष्कार वशिता | ४) कर्म वशिता |
| ५) उपवति वशिता | ६) ऋद्धिवशिता |
| ७) अधिमुक्ति | ८) प्राणिधान वशिता |
| ९) ज्ञान वशिता | १०) धर्म वशिता |
| ११) तथता वशिता | १२) बुद्धबोधि प्रभा वशिता |

अज हानं थुगु लुखा फुमे उपयुक्त शोभाबृद्धि निर्मित भिस्वंगु तैंगि भिंगि तथा तनंत विभिन्न
आलंकारिक बुट्टा तथा सुवर्ण विमानरथया साङ्गोपाङ्ग पूर्णयाना- व्यूगु दु । ध्व खः त्रयोदशभूमिया
शुभ प्रतीक । व छु छु धासा-

- | | |
|------------------------------|-------------------------------|
| १) वज्र अतः छिना चक्रावली | २) ध्वया च्वसंनं वहे चक्रावली |
| ३) गणावर्त्त कीर्ति मुखाकृति | ४) पद्मावली |
| ५) रत्नमञ्जरी | ६) वज्र अतः छिना चक्रावली |
| ७) भेसः लू तँगि | ८) पुष्पमञ्जरी |
| ९) कःसिम्बः बुट्टा | १०) किकिणीजाल |
| ११) कःसिम्बः बुट्टा | १२) पद्मावली |

थुगु त्रयोदशभूमिया नां थथे खः—

- | | |
|-----------------------|--------------------|
| १) प्रमुदिता भूमि | २) विमला भूमि |
| ३) प्रभाकरी भूमि | ४) अर्चिष्मती भूमि |
| ५) सुदूर्जया भूमि | ६) अभिमुखी भूमि |
| ७) दुरङ्गमा भूमि | ८) अचला भूमि |
| ९) साधुमति भूमि | १०) धर्ममेधा भूमि |
| ११) समन्तप्रभा भूमि | १२) निरूपमा भूमि |
| १३) ज्ञानवती वज्रभूमि | |

अज थुगु भिस्वंगु तँगिभिगिया च्वसं श्रीपेजथें शोभावृद्धि निम्ति सुवर्णतोरणया ल्युनेसं फुसे लाक्क प्यखें प्यंगुहे हरिञ्चक्र (धर्मचक्र) अङ्कित यानाव्यूगु दु । थुकिया मतलब खः— थुगु बुद्धोपदेशित सद्धमामृत बोधिज्ञानं केवल छगुजक दिशायात मखु परन्तु चतुर्दिगसं धर्मचक्र प्रवर्तन जुयाच्चंगु दु धैगु अर्थ जुल ।

हानं ध्वहे हरिञ्चक्र (धर्मचक्र) या च्वसं चन्द्रसूर्य अङ्कित याना तःगु दु । थुकिया मतलब अर्थ विशुद्धि नं ध्वहे खः कि— गथे श्री सूर्यया तेजरश्मि समस्त अंधकार फुकाच्वन । अथेहे चन्द्रमाया शितलरश्मिनं जगत्यात सुशितल याना दाहताप परिशान्त याना आमोद प्रमोद प्रकाशयाना च्वन । थुगुहे प्रकारणं वसपोल श्री करुणामय अवलोकितेश्वरया सत्यसिद्धि प्रणिधानया अधिष्ठान बलं सुगुह्यसिनं श्रद्धा निश्चय तया वसपोलयात दर्शनयापि स्वयाच्चं पि, वसपोलया गुणकीर्तन वर्णन न्यं पि ताः पि, वसपोलयात स्पर्शनयापि थुं पि सकलयातनं निर्विघ्नपूर्वक अविलम्ब हितसुख शान्ति प्राप्त जुया अन्तस सम्बोधिज्ञान लाभ याना कायफूपि जुईमा धैगु अर्थविशुद्धि जुल—

यथैव भानुना सर्वं तमः दूरीकृतं भवेत्
चन्द्रमसा यथैनापि प्रल्हादं जगतां कृतम् ।
यथा दृष्टं श्रुतस्मृत्या स्पृष्टकथा च प्रापतः
तत्सर्वं जगतां कुर्यात् हितसुखाय सर्वदा ।

उपर्युक्त वर्णन अनुसार— न्हापांगु अर्थविशुद्धि निगूगु अर्थविशुद्धि व स्वंगूगु अर्थविशुद्धि समेतयात कया भिन्नकं मनन चिन्तन याना श्रद्धा निश्चयपूर्वक वसपोल महाकारुणिक आर्यावलोकितेश्वरया आराधना याई, प्रदक्षिणा याई, पूजाभावभक्ति याई, वसपोलया आदर्श अनुरूप आचरण याई, अथवा थुगु महायानरूपि म्हान् रथ निर्माणकार्य सम्बन्धी ज्याखें शुद्ध चित्तं थःगु अमूल्य समय व बुद्धि परिश्रम बिया दानदातव्य याना सहयोग सहानुभूति प्रदान याई, थुपि सकलयातनं निर्विघ्नपूर्वक मङ्गलसुख शान्ति निश्चयनं लाभजुई धैगु हेतुं थुगु रथया खःजलाया कःशि पःखाले अष्टमङ्गल चिन्ह— श्रीवत्स, पुण्डरीक, ध्वज, कलश, चामर, मत्स्ययुग्म, छत्र व शंख चाहुईका तःगु जुल । अज थुगु बोधिसत्त्वया जात्रा चले जुयाच्चंगु पुण्यानुभावं जगत्सत्त्व प्राणिपिगु हितसुख शान्ति निम्ति थ्वहे अष्ट-मांगलिक गुणयुक्त, शुभयुक्त शासन यावत् चन्द्र, सूर्य, पृथ्वि, सागर दतलें स्थिर जुया च्वनेमा धैगु शुभकामना भितुना देखाया तःगु जुल ।

थुजागु सर्वगुण सम्पन्नगु, महत्वपूर्णगु, गौरवमय जीवित सांस्कृतिक परम्परा न्हाका तईतःगु विश्वसंस्कृती थःगुहे विशेषता दईच्चंगु अनुपम आदर्शयुक्त, बोधिमण्डप कूटागार सुवर्णमय विमानस श्री करुणामय विज्याका जगत्सत्त्व प्राणिपिगु उद्धार निम्ति रथ प्रस्थान जुयाच्चंगु धैगु अर्थ खः । थ्व महान् सुपरिशुद्धगु उद्देश्य जुल ।

वसपोल करुणामय श्री आर्यावलोकितेश्वरया विषय कया थन गुलिनं परिचर्चा जुल उकीया सारभूत चर्चा खः— वसपोलया ज्ञानगुण करुणा सकल लोकजनं आश्रय याय् योग्यगु, साधन याय् परमावश्यक जुयाच्चंगु बोधिचित्त महाकरुणा जुयाच्चन । थुकीयात लाभयाय् निम्ति भीमं करुणामयया साला वयाच्चनागु खः धैगु अर्थ जुल ।

बुद्धधर्मे महाकरुणाया महत्व गुलि दु धैगु विषयकया आर्यधर्ममंगीतिमूत्रे वसपोल अवलोकितेश्वरं भगवान् बुद्धयात थथे आज्ञा जुया विज्यागु दु—

हे भगवन् ! बोधिसत्त्व धैह्यसिनं आपा आपालं धर्मे स्यने कने याना च्वनेगु आवश्यक मदु । छगुहे जक धर्म बोधिसत्त्वं भिन्नकं आराधना याना उकीहेजक कोशिस याना च्वनेमा । गुगूलि सम्पूर्ण बुद्धधर्म थःगु अधिने तई वशे वई । गथेकि— चक्रवर्ति जुजुया चक्ररत्न प्राप्त जुईबले उकी सम्पूर्ण मैनिकबल ल्युल्यू वई अथेहे हे भगवन् ! गुह्यसिके महाकरुणा दई उह्येसिके सकतां बुद्धधर्मया लाभ जुई । थ्व गथे धासा, हे भगवन् ! गुह्यसिके प्राणेन्द्रिय दईच्चनी उह्येसिके सम्पूर्ण इन्द्रिय ल्युल्यू वया च्वनी । थुगुहे रूपं हे भगवन् ! गुह्येसिके महाकरुणा दई वयाके बोधिज्ञान दय्कावीगु सकतां धर्म दयाहे च्वनी । थ्व धयागुया मतलब थ्व खः कि— गुह्येसिके बोधिचित्त महाकरुणा दई उह्येसिके दानादि दश पारमिता गुणनं रथया घःचार्ये ल्युल्यू वयाहे च्वनी । इत्यादि प्रकारं उपमासहित वर्णन याना तईतःगु जुल ।

थ्वहे खँयात समर्थन याना आर्य गण्डव्यूहसूत्रे धयातःगु दु कि- बोधिचित्त महाकरुणाहे सम्पूर्ण बुद्धधर्मया पुसा खः ।

बोधिचित्तं हि वीजभूतं सर्व-बुद्ध-धर्मानाम् ।

थुगु बोधिचित्तयात गुणकारण्डव्यूहसूत्रे स्वंगु प्रकारं दु धका वर्णन यानातल-

त्रिविधां बोधिमासादद्य सम्यक्संबुद्धपदमाप्नुयूः ।

गुह्येसिनं त्रिसंबोधि- बोधिप्रणिचित्त बोधिप्रस्थानचित्त व बोधिपरीणामन चित्तयात बाँलाक आश्रययात, परिपालन यात धासा निश्चयनं उह्य व्यक्तियात सम्यक्संबुद्ध पद लाभ जुई धयातल ।

थुजागु महत्वपूर्णगु, सर्वगुण सम्पन्नगु, आदर्श उच्चकोटि दर्शन ज्ञानगुणं परिपूर्णगु, प्रज्ञोपायात्मक तत्त्वज्ञानयाके अभिन्नगु थुगु बोधिचित्त महाकरुणायात- श्रावक, प्रत्येक, महायानिपिन्सनं श्रद्धागौरव पूर्वक ग्रहण या धका आचार्य शान्तिदेवं बोधिचर्यावितारे थथे अनुरोध यानातःगु दुः-

भवदुःखशतानि तर्तुकामैरपि

सत्त्वव्यसनानि हर्तुकामैः ।

बहूसौख्यशतानि भोक्तुकामैः

न विमोच्यं हि सदैव बोधिचित्तम् ।

संसारया दुःख अर्थात् नरक, प्रेत, तिर्यक् आदि हरेक किसिमया सलंसः दुःख तरेयाना वीगु इच्छायार्पि श्रावक, प्रत्येक बुद्धगोत्रपिन्सं जुल अथवा दुःखंजक मखु सकलप्राणिपिन्त जन्मजराव्याधि- मरणं मुक्तगु बुद्धपद प्राप्त याकावीगु निम्ति पारमिताचर्यास कोशिस याईपि बोधिसत्त्व गोत्रपिन्सं व हानं थःगु कपिंगु दुःख फुकेगु जक मखु कि आपालं सलंसः देवयोनि मनुष्ययोनि जन्मजुया सुख- ऐश्वर्य भोग यायूगु इच्छायापिन्सं निश्चयनं सदा सर्वकालं थुगु बोधिचित्तरत्न तोतेमते धका धयातल ।

थ्वहे बोधिचित्तरत्नयात समयोत्तरतन्त्रे शून्यता व करुणायाकें अभिन्नगु तत्त्व धयातल, लिसें अनादिकालनिसें शान्त जुयाच्चंगु संसार व निर्वाणया श्रीशोभा जुयाच्चंगु धका वर्णन यानातल-

अनादि निधनं शान्तं भावाभावाक्षयं विभुम् ।

शून्यता करुणाभिन्नं बोधिचित्तमिति स्मृतम् ॥

अज थ्वहे बोधिचित्तरत्नयात प्रज्ञोपायविनिश्चयसिद्धि तन्त्रे थुलि प्रशंसा यानातःगु दु कि- सम्पूर्ण धर्मया निधि स्वरूप जुयाच्चंगु, सदासर्वदा शुद्ध प्रभास्वर जुयाच्चंगु, समस्त सुखैश्वर्यपदया कारण जुयानं बुद्धपिनि आलय चैत्य स्वरूप जुयाच्चंगु सदैव वन्दनपूजनयाय् योग्य जुयाच्चंगु धका उल्लेख यानातल-

नित्यं प्रभास्वरं शुद्धं बोधिचित्तं जिनालयं
सर्वधर्ममयं दिव्यं निखिलास्पदकारिणम् ।

हानं थ्वहे बोधिचित्त विषय कया अनुत्तरचर्यागीतस समयसत्त्व (सत्त्वक्षेत्र) ज्ञानसत्त्व (जिनक्षेत्र)
यात छगूहे सूत्रे प्रतिवद्ध जुयाच्चंगु दु धकानं वर्णन यानातल । अकिहे भी प्रातःस्मरणीय पूर्वाचार्य-
पिन्सं सम्पूर्ण आराध्य देवीदेवताया गर्भगृह स्वरूपं पूर्वकलशयात सर्वनिधानकलश बोधिचित्तामृत
कलश घका भावना याना साधनादि पूजाया विधि विधाने उच्चकोटि स्थान विया स्वागतसत्कार
याना वईच्चंगु खने दु—

भ्रूङ्कारोत्पन्नं बोधिचित्तामृतपूर्णकलशं विभाव्य ।

अतएव थुगु बोधिचित्त महारत्नयागु अपार महिमा अचिन्त्य गुण दईच्चंगु जुयानिम्ति 'बोधि-
चित्त' यात कया गुह्यसमाज तन्त्रे थथे स्तोत्र याना उद्गार व्यक्त यानातःगु जुलः—

अहो ! बुद्ध अहो ! धर्म अहो ! सङ्घस्य दर्शना
शुद्धतत्त्वार्थं शुद्धार्थं बोधिचित्तं नमोऽस्तु ते ।
धर्मनैरात्म्यसम्भूत बुद्धबोधिप्रपूरकः
निर्विकल्प निरालम्ब बोधिचित्तं नमोऽस्तु ते ।
समन्तभद्रसर्वार्थं बोधिचित्तं—प्रवर्तकः
बोधिचर्या महावज्र बोधिचित्तं नमोऽस्तु ते ।
चित्तं तथागतः शुद्धः कायवाच्चित्तवज्रिणः
बुद्धबोधिप्रणेतारं बोधिचित्तं नमोऽस्तु ते ।
सम्बुद्धा बोधिसत्वाश्च सत्त्वपारमिता गुणा
सम्भवति सदा नाथ बोधिचित्तं नमोऽस्तु ते ।

थुजागु आदर्शयुक्तगु, महत्त्वपूर्णगु, दिव्यभावनाया शुभप्रतीक लक्षणगुणं सहित यानातःगु करुणा-
मयया रथया अर्थविशुद्धि व सांस्कृतिक पृष्ठभूमिया संक्षिप्त वर्णन थनसं क्वचाल ।

थुगु पुस्तक च्वयागु व प्रकाशन यानागु पुण्यानुभावं दिशा भिगु बखत स्वंगु मङ्गलमुख शान्ति
प्राप्त जुया अन्तस समस्त प्राणि सम्बोधिज्ञान लाभ जुया सुखावति भुवनस वास लाय्मा । अस्तु ।

बुँगद्यः नेपाले विज्याकूगु
छपु-तूतः

कापोतलाचल भूमि- विजय- नेपाल ।
वत्सर द्वादश अनावृष्टि- मोक्षणार्थम् । १।
आराधित- श्री वुंगम अवलोकेश्वर ।
गुरु-बन्धुदत्त नृप श्री नरेन्द्र देव । २।
रथचक्रमया यात्रा गमन ललितापुरी ।
पूजितं सरोजपाणि-त्रैलोक्यनाथम् । ३।
येन भक्ति येन मोक्ष- प्रदाता ।
पादपङ्कजयुगे नौमि शिरसा । ४।

इति कपोतलगीतं- समाप्तम्

यलसहरया दुने- बाहा, बहो, लाछि, गल्ली ननि चुक आदि स्थानस
प्रस्थापित- विविध लोकेश्वरमूर्तिया धलः

चपट तुरणवाहा	पद्मपाणि लोकेश्वर	२
यङ्गुवाहा गल्ली	पद्मपाणि अवलोकेश	१
"	अमोघपाश लोकेश्वर	१
" वाकूननि	पद्मपाणि "	१
यन्मुगू फलेचा	पद्मपाणि "	२
यच्छु दथुवाहा	पद्मपाणि "	१
नुगः त्वाय्वाहा	अवलोकितेश्वर	१
चनकि फलेचा	सिंहनाथ	१
" वाकूननि	हरिहरनाथ	१

चनकि बाकुननि	षडक्षरी	लोकेश्वर	१
" "	पद्मपाणि	"	१
सुबाहा "	पद्मपाणि	"	२
" थकूवाहा	पद्मपाणि	"	१
गुईटवही	पद्मपाणि	"	१
" दथुवही	पद्मपाणि	"	२
" चिह्नु वही	पद्मपाणि	"	२
" तग्वगु चिवाहा	पद्मपाणि	"	२
" "	अमोघपाश	"	१
भिछेवाहा ननि	पद्मपाणि	"	१
भिछेवाहा शिलास्तम्भ	पद्मपाणि	"	२
पिलाछेवाहा	पद्मपाणि	"	१
त्यागः गरणेमन्दिर	सिंहनाद	"	१
" क्वाछेननि	अमोघपाश	"	१
धालाछें	पद्मपाणि	"	१
न्हेफले चुक	पद्मपाणि	"	१
उकुवाहा	पद्मपाणि	"	२
"	वज्रपाणि	"	१
"	रत्नपाणि	"	१
"	विश्वपाणि	"	१
"	सिंहनाद	"	२
उवाहागथिचा	पद्मपाणि	"	१
"	हरिहरवाहन	"	२
लुखुसि धः	चिन्तामणि	"	१
" लिवक	पद्मपाणि	"	१
उवाहावही	पद्मपाणि	"	३
" दुनेवाहा	पद्मपाणि	"	२
महाबौद्ध	पद्मपाणि	"	२
"	विश्वपाणि	"	१

महाबौद्ध	रत्नपाणि	लोकेश्वर	१
"	समन्त भद्र	"	१
उक्ताहा तःजः	पद्मपाणि	"	१
नौवाहा	पद्मपाणि	"	१
"	अमोघपाश	"	१
ज्याथा फलेचा	पद्मपाणि	"	१
" चन्द्रज्योतिवाहा	पद्मपाणि	"	१
हितिफुसवाहा	अमोघपाश	"	१
चिह्नं गु गुज्जिवाहा	पद्मपाणि	"	१
तहंगु "	पद्मपाणि	"	१३
" "	अमोघपाश	"	१
" पूर्वपाखे	पद्मपाणि	"	२
मुंवाहाचा	पद्मपाणि	"	२
कोथुवाहा	अवलोकितेश्वर	"	१
जोथावाहा	पद्मपाणि	"	२
"	अमोघपाश	"	१
नौद्ववाहा	पद्मपाणि	"	२
नःवाहाचा	पद्मपाणि	"	२
हःखालँक्व	पद्मपाणि	"	१
हौणः ताहाफलेचा	पद्मपाणि	"	१
" गल्ली	पद्मपाणि	"	१
जोम्बाहा	पद्मपाणि	"	२
" बूननि	पद्मपाणि	"	२
इखालखु	पद्मपाणि	"	१
ईबाहावही	पद्मपाणि	"	२
" दुन्ने	षडक्षरी	"	१
टंगवाहा	जटाधारी	"	१
"	पद्मपाणि	"	१
" फलेचा	पद्मपाणि	"	१

लगःख्यः थूर	पद्मपाणि	लोकेश्वर	१
लगःबाहाचा	पद्मपाणि	"	१
तःबाहा	बुंगमेश्वर	"	१
"	पद्मपाणि	"	२
" उत्तरपाखे	पद्मपाणि	"	१
न्हायकंवही	पद्मपाणि	"	२
"	चिन्तामणि	"	१
"	अमोघपाश	"	१
दौवाहा	हालाहाल	"	१
"	अमोघपाश	"	२
नकिंझ्या	पद्मपाणि	"	२
अग्निमथ	पद्मपाणि	"	१
हःबाहा	अमोघपाश	"	१
"	पद्मपाणि	"	२
वनबाहा	हालाहाल	"	२
"	पद्मपाणि	"	३
बूबाहा	अमोघपाश	"	१
"	पद्मपाणि	"	२
" वलगत	पद्मपाणि	"	१
हेंचुक	पद्मपाणि	"	२
जीस्वांचुक	पद्मपाणि	"	१
चलखु	पद्मनृत्येश्वर	"	१
गाःबाहा	पद्मपाणि	"	२
" तुंननि	पद्मपाणि	"	१
नःबाहा	अमोघपाश	"	१
खायबही चैत्यक्वसं	पद्मपाणि	"	१
उभांननि	पद्मपाणि	"	१
क्वाथवाहा	पद्मपाणि	"	१
" दुनेचुक	षडक्षरी	"	१

बूच्चः गाहिति	पद्मपाणि	लोकेश्वर	२
बूच्चःवही	पद्मपाणि	"	५
" वज्रयोगिनी	पद्मपाणि	"	१
" थथुबाहा	पद्मपाणि	"	२
" "	अमोघपाश	"	१
थूरया फलेचा	पद्मपाणि	"	१
नःत्वा हिति	पद्मपाणि	"	१
सिबाहा	पद्मपाणि	"	१
" नासःल्युनेचुक	पद्मपाणि	"	१
सिजःबाहा	पद्मपाणि	"	२
छायबाहा	पद्मपाणि	"	१
छ्वाचबाहा	पद्मपाणि	"	१
मुलिम	पद्मपाणि	"	१
मिखाबाहा फलेचा	कुंगम	"	१
कोतलाछि	पद्मपाणि	"	२
यतावाहा	पद्मपाणि	"	१
अकिवाहा	पद्मपाणि	"	४
न्याचुक	अमोघपाश	"	१
"	पद्मपाणि	"	१
नकवही	पद्मपाणि	"	३
"	अमोघपाश	"	१
"	हरिहरवाहन	"	१
अथःबाहा	पद्मपाणि	"	२
भुतिवाहा	पद्मपाणि	"	२
थ्याका	पद्मपाणि	"	१
धलायचा	पद्मपाणि	"	१
कुतिवाहा	षडक्षरी	"	१
ईखाछे वाहा	पद्मपाणि	"	३
पिन्तवही	पद्मपाणि	"	३

दुन्तवही	अमोघपाश लोकेश्वर	१
आनबाहा	पद्मपाणि "	२
आलुको हिति	पद्मपाणि "	१०
कोन्तिबही	पद्मपाणि "	२
ससुननि	पद्मपाणि "	१
इलाननि	पद्मपाणि "	१
दारिकाबाहा	पद्मपाणि "	१
क्वाबाहा	पद्मपाणि "	४
" जःपाखे	पद्मपाणि "	२
" खःपाखे	पद्मपाणि "	२
" वज्रसत्त्व लिक्क	पद्मपाणि "	१
" चंगुकुलां	पद्मपाणि "	१
" फुच्चःकुलां	पद्मपाणि "	१
" स्वयम्भू देगः	द्वादश "	१२
" महांका छेली	अमोघपाश "	१
" ध्वाकाया जवे	पद्मपाणि "	१
धपागाबही	पद्मपाणि "	४
मंगः लुङ्ग्या	सृष्टिकर्ता "	१
कोवाहा	पद्मपाणि "	१
धुंबाहा	पद्मपाणि "	१
" तधंननि	पद्मपाणि "	१
गाःहिति	पद्मपाणि "	१
ईबही थुर	पद्मपाणि "	३
शंखमूल	सृष्टिकर्ता "	१
ईबही	पद्मपाणि "	६
"	पद्मपाणि "	४
"	अमोघपाश "	१
" करुणाचुक	पद्मपाणि "	१
चिकंबही	षडक्षरी "	१

मणिकुलबाहा	षडक्षरी	लोकेश्वर	१
त्रिरत्नबाहा	षडक्षरी	"	१
"	अमोघपाश	"	१
चोछेवाहाचा	पद्मपाणि	"	२
होनःबाहाचा	पद्मपाणि	"	१
मिद्यःबाहाचा	बुंगम	"	२
बलखु चिवाहा फलेका	पद्मपाणि	"	१
ओबाहा दुने	पद्मपाणि	"	१
" चिवाहाचुक	पद्मपाणि	"	१
" दयाः जवे	पद्मपाणि	"	१
त्यागभा	पद्मपाणि	"	१



१०८ लोकेश्वरया नां*

१) श्री मदार्यावलोकितेश्वर	१५) श्री चैत्यधातु	लोकेश्वर
२) श्री वज्रनाथ लोकेश्वर	१६) श्री विश्ववज्र	"
३) श्री पद्मपाणि "	१७) श्री वज्रसत्त्व धातु	"
४) श्री नृत्यनाथ "	१८) श्री शाक्यबुद्ध	"
५) श्री वज्रस्फोट "	१९) श्री अमिताभ	"
६) श्री विद्यापति "	२०) श्री वज्रधातु	"
७) श्री वज्रपाणि "	२१) श्री धर्मचक्र	"
८) श्री शंखनाथ "	२२) श्री सिंहनाद	"
९) श्री विष्णुकान्त "	२३) श्री विश्वभूत	"
१०) श्री मञ्जुनाथ "	२४) श्री हरिबाहन	"
११) श्री कृताञ्जलि "	२५) श्री धर्मधातु	"
१२) श्री विष्णुचक्र "	२६) श्री हरिहर	"
१३) श्री शान्तमति "	२७) श्री खरखिरि	"
१४) श्री चिन्तामणि "	२८) श्री वज्रदण्ड	"

* १०८ लोकेश्वर परिचय पृ. ३०

२९) श्री अचलकेतु	लोकेश्वर	५८) श्री क्षितिगर्भ	लोकेश्वर
३०) श्री खिरिखरा	"	५९) श्री आकाशगर्भ	"
३१) श्री रत्नदत्त	"	६०) श्री गगनगञ्ज	"
३२) श्री विन्दुपाणि	"	६१) श्री रत्नपाणि	"
३३) श्री कमलरुद्र	"	६२) श्री सागरमति	"
३४) श्री देवदेवता	"	६३) श्री वज्रगर्भ	"
३५) श्री सार्थवाह	"	६४) श्री अवलोकितेश्वर	"
३६) श्री पिण्डपात्र	"	६५) श्री महास्थाम प्राप्त	"
३७) श्री अमोघपाश	"	६६) श्री चन्द्रप्रभ	"
३८) श्री महावज्रनाथ	"	६७) श्री जालिनीप्रभ	"
३९) श्री महावज्रपाणि	"	६८) श्री अमितप्रभ	"
४०) श्री महावज्रधृक्	"	६९) श्री प्रतिभानकूट	"
४१) श्री महावज्रधातु	"	७०) श्री सर्वशोक्तमोनिर्घाटमति	"
४२) श्री महाविश्वभूष	"	७१) श्री सर्वनिवरण विष्कम्भि	"
४३) श्री महामञ्जुभूत	"	७२) श्री कारण्डव्यूह	"
४४) श्री महाअभय स्थूल	"	७३) श्री ज्ञानधातु	"
४५) श्री महाभयङ्करी	"	७४) श्री पद्मनृत्येश्वर	"
४६) श्री महासूर्यविम्ब	"	७५) श्री वज्रोष्णीष	"
४७) श्री महाचन्द्रविम्ब	"	७६) श्री शाक्यधातु	"
४८) श्री महामञ्जुदत्त	"	७७) श्री शान्तश्री	"
४९) श्री महाशील	"	७८) श्री यमदण्ड	"
५०) श्री महारत्नकुल	"	७९) श्री विश्वहर	"
५१) श्री महासहस्रसूर्य	"	८०) श्री महावज्रसत्त्व	"
५२) श्री महासहस्रभुज	"	८१) श्री कृष्णाचल	"
५३) श्री महारत्न कीर्ति	"	८२) श्री सुखावति	"
५४) श्री सहस्रभुज	"	८३) श्री अचिन्त्य	"
५५) श्री अक्षयमति	"	८४) श्री उन्नति	"
५६) श्री समन्त भद्र	"	८५) श्री प्रवर	"
५७) श्री सृष्टिकान्त	"	८६) श्री वज्रधर्म	"

८७) श्री वर्याधिकार	लोकेश्वर	९८) श्री वरद	लोकेश्वर
८८) श्री खसर्पण	"	९९) श्री कमण्डलू	"
८९) श्री सिंहनाथ	"	१००) श्री मणिपद्म	"
९०) श्री त्रैलोक्य संदर्शन	"	१०१) श्री पीतपट्ट	"
९१) श्री रक्ताय्यावलोकितेश्वर	"	१०२) श्री आनन्दादि	"
९२) श्री नीलकण्ठ	"	१०३) श्री षडक्षरी	"
९३) श्री सुगति संदर्शन	"	१०४) श्री मायाजालक्रम	"
९४) श्री मायाजाल क्रमक्रोध	"	१०५) श्री हरिहरिवाहन	"
९५) श्री प्रेतसंतर्पि	"	१०६) श्री हालाहल	"
९६) श्री ब्रह्मदण्ड	"	१०७) श्री हलाहल	"
९७) श्री जटामुकूट	"	१०८) श्री हयग्रीव	"

वसपोल महाकाशिक अवलोकितेश्वर जगत् सत्त्व प्राणिपिण्डु हितसुख शान्ति निर्मित अचिन्त्य उपायकुशल धारण याना देशकाल परिस्थिति अनुसारं कार्यकारण स्वरूपं प्राणिउद्धार याना विज्यागुया विभिन्न नामरूप अलग अलग जुयाच्चंगु अवतार भेद जम्मा स्वसःव खुईह्मा (३६०) लोकेश्वरया नां थन उध्दृत यानागु जुलः-

१) श्री सृष्टिकान्ता लोकेश्वर	१५) श्री अकुल	लोकेश्वर
२) श्री आर्यावलोकितेश्वर	१६) श्री अवीचिसंशोधन	"
३) श्री आनन्दादि लोकेश्वर	१७) श्री अभयफलदायक	"
४) श्री अमोघपाश	१८) श्री अनिक्षिप्त	"
५) श्री अपराजिता	१९) श्री अश्वरथ	"
६) श्री अजिता	२०) श्री अक्षोभ्य	"
७) श्री अक्षयकर्मविरागविशोधन	२१) श्री अमिताभ	"
८) श्री अक्षय	२२) श्री अमोघसिद्धि	"
९) श्री अमृतवती	२३) श्री अष्टाङ्ग	"
१०) श्री अमृतप्रभ	२४) श्री अग्निभुज	"
११) श्री अमोघांकुश	२५) श्री असंगता	"
१२) श्री अभयप्रभ	२६) श्री आर्यतारा	"
१३) श्री अमोघवती	२७) श्री आकाशधातु	"
१४) श्री अभयंकारी	२८) श्री आनन्द	"

२९) श्री आकाशगर्भ	लोकेश्वर	५८) श्री कुलक्षा	लोकेश्वर
३०) श्री आदिबुद्ध	"	५९) श्री कृताञ्जलि	"
३१) श्री आयुस्तेज	"	६०) श्री क्रकुच्छन्द	"
३२) श्री इन्द्रकेतुध्वज	"	६१) श्री क्रमचन्द	"
३३) श्री इन्द्रगति	"	६२) श्री कौण्डिन्य	"
३४) श्री उलुमन्त	"	६३) श्री खरखिर	"
३५) श्री उष्णकलेकि	"	६४) श्री खदिर	"
३६) श्री उष्णीष	"	६५) श्री खगर्भा	"
३७) श्री उष्पीनाद	"	६६) श्री खसर्प	"
३८) श्री उच्छिकान्ता	"	६७) श्री खदिवर	"
३९) श्री उतासेन	"	६८) श्री खिखिरा	"
४०) श्री उग्रतेज	"	६९) श्री गगनगंज	"
४१) श्री अर्धनज	"	७०) श्री गंगासागर	"
४२) श्री ऋषिप्रैग	"	७१) श्री गर्जापति	"
४३) श्री ऋषिदेव	"	७२) श्री गगनेगगनाविलोकि	"
४४) श्री ऋषिगुप्त	"	७३) श्री गवांपत	"
४५) श्री करुणावतार	"	७४) श्री गदवचित्र	"
४६) श्री कर्णिकार	"	७५) श्री गयाकाश्यक	"
४७) श्री कमलवद्ध	"	७६) श्री गंधहस्ति	"
४८) श्री कमलधर	"	७७) श्री गंधव्यूह	"
४९) श्री कनकमुनि	"	७८) श्री गंधवाहन	"
५०) श्री कपिलमुनि	"	७९) श्री गंधवावति	"
५१) श्री कामवाह	"	८०) श्री गुह्यगुप्त	"
५२) श्री कानन	"	८१) श्री गुणकेतु	"
५३) श्री काश्यप	"	८२) श्री गुंजित	"
५४) श्री कांतिकतार	"	८३) श्री गौतम	"
५५) श्री कांतिनाम	"	८४) श्री ग्रहगुप्त	"
५६) श्री कांतवर्जित	"	८५) श्री गौतम	"
५७) श्री कुरुकुला	"	८६) श्री घोखिला	"

८७) श्री चन्द्रस्थ	लोकेश्वर
८८) श्री चन्द्रव्यवर्लोकिनी	"
८९) श्री चन्द्रवर	"
९०) श्री चन्द्रवीर	"
९१) श्री चिन्तामणि	"
९२) श्री चैत्यविम्ब	"
९३) श्री चोरुवित्वा	"
९४) श्री क्षितिगर्भ	"
९५) श्री जङ्गुलि	"
९६) श्री ज्वालि	"
९७) श्री जिनवक्त	"
९८) श्री जीवनाद	"
९९) श्री जोगांवर	"
१००) श्री तथागत गुह्य	"
१०१) श्री तारा	"
१०२) श्री तिष्य	"
१०३) श्री स्थिति	"
१०४) श्री दधिवीर्यं	"
१०५) श्री दशजलि	"
१०६) श्री दशभूमि	"
१०७) दीपंकर	"
१०८) श्री दुंदुभि	"
१०९) श्री दृढवीर्यं	"
११०) श्री धर्मधातु	"
१११) श्री धर्मचक्र	"
११२) श्री धर्मपीठ	"
११३) श्री धर्मभेगन्ध	"
११४) श्री धर्मपथक	"
११५) श्री धर्मराज	"

११६) श्री धर्म	लोकेश्वर
११७) श्री धर्मशंख	"
११८) श्री धर्मपाणि	"
११९) श्री धर्मशब्द	"
१२०) श्री धर्मकेतु	"
१२१) श्री धर्मराज	"
१२२) श्री धर्मश्रीमित्र	"
१२३) श्री धर्मकार	"
१२४) श्री धरणीश्वर	"
१२५) श्री धातुप्रिय	"
१२६) श्री धातुरूप	"
१२७) श्री ध्वजाग्रकेयूर	"
१२८) श्री नदीकाश्यप	"
१२९) श्री नन्दनाद	"
१३०) श्री नन्दिक	"
१३१) श्री नामसंगिति	"
१३२) श्री नित्यनाथ	"
१३३) श्री नित्यशुद्ध	"
१३४) श्री नित्य	"
१३५) श्री नित्यपति	"
१३६) श्री नित्यचरण	"
१३७) श्री नित्यधीमति	"
१३८) श्री नित्योयुक्त	"
१३९) श्री निरुद्धेन	"
१४०) श्री नील सरस्वती	"
१४१) श्री नीलकण्ठ	"
१४२) श्री पवन	"
१४३) श्री परांसवरी	"
१४४) श्री पर्वतालंकार	"

१४५) श्री पद्मधरा	लोकेश्वर	१७४) श्री वज्रसागर	लोकेश्वर
१४६) श्री पद्मपाणी	"	१७५) श्री वज्रतेज	"
१४७) श्री पद्महास	"	१७६) श्री वज्रधातु	"
१४८) श्री पद्मपूर्व	"	१७७) श्री वज्रमुक्ति	"
१४९) श्री पद्मश्री परिदरा	"	१७८) श्री वज्रकूट	"
१५०) श्री पद्मालंकार	"	१७९) श्री वज्रसत्त्व	"
१५१) श्री पद्मोत्तर	"	१८०) श्री वज्रनाथ	"
१५२) श्री पांदुरा	"	१८१) श्री वज्रगर्भ	"
१५३) श्री पिण्डपात्र	"	१८२) श्री वज्रलाश्य	"
१५४) श्री पुष्पकेतु	"	१८३) श्री वज्रमाल्य	"
१५५) श्री पुष्पगन्ध	"	१८४) श्री वज्रगीत्य	"
१५६) श्री पूर्ण	"	१८५) श्री वज्रनृत्य	"
१५७) श्री प्रतिभानकूट	"	१८६) श्री वज्रपाश	"
१५८) श्री पृथिवी	"	१८७) श्री वज्रांकूश	"
१५९) श्री प्रज्ञापारमिता	"	१८८) श्री वज्रावेश	"
१६०) श्री प्रशान्तकाय	"	१८९) श्री वज्रभूत	"
१६१) श्री प्रतिसंवित् प्राप्त	"	१९०) श्री वज्रसंहत	"
१६२) श्री प्रशान्त चारित्रमति	"	१९१) श्री वज्रासन	"
१६३) श्री प्रवातसार	"	१९२) श्री ब्रह्मतेज	"
१६४) श्री प्रतिहसित	"	१९३) श्री वररूप	"
१६५) श्री प्रतिसरा	"	१९४) श्री वसंतगन्धी	"
१६६) श्री प्रत्येकबुद्ध	"	१९५) श्री वसपन्न	"
१६७) श्री वज्रनाथ	"	१९६) श्री वरदायक	"
१६८) श्री वज्रपाणि	"	१९७) श्री वर्णभाव्य	"
१६९) श्री वज्रकेतु	"	१९८) श्री वाष्प	"
१७०) श्री वज्रहास	"	१९९) श्री विपुलप्रभ	"
१७१) श्री वज्रधर	"	२००) श्री विस्तिर्णभेद	"
१७२) श्री वज्रस्फूट	"	२०१) श्री विश्वभू	"
१७३) श्री वज्रगन्धारी	"	२०२) श्री विपश्ची	"

२०३) श्री विमल	लोकेश्वर	२३२) श्री महाकाश्यप	लोकेश्वर
२०४) श्री विन्दुवासिनी	"	२३३) श्री मायांजाल	"
२०५) श्री विद्यापति	"	२३४) श्री मणिभद्राय	"
२०६) श्री विक्रम	"	२३५) श्री मामकी	"
२०७) श्री विष्णुदत्त	"	२३६) श्री मेघावतार	"
२०८) श्री विश्वभूष	"	२३७) श्री मेघपति	"
२०९) श्री विक्रमदत्त	"	२३८) श्री मेघसार्थवाह	"
२१०) श्री विन्दु	"	२३९) श्री मेघेश्वर	"
२११) श्री विन्दुविष्णु	"	२४०) श्री मैत्रायणि	"
२१२) श्री विष्णुकान्ता	"	२४१) श्री मैत्र्यास्फरण	"
२१३) श्री विसुगन्ध	"	२४२) श्री मैत्रैय	"
२१४) श्री विश्वभद्र	"	२४३) श्री अमोघराज	"
२१५) श्री विरंचि	"	२४४) श्री मंगल	"
२१६) श्री बुद्धालंकारब्यूह	"	२४५) श्री मञ्जुघोष	"
२१७) श्री वैरोचन	"	२४६) श्री मञ्जुवज्र	"
२१८) श्री भद्रमति	"	२४७) श्री मञ्जुदत्त	"
२१९) श्री भद्रपाल	"	२४८) श्री मञ्जुभूत	"
२२०) श्री भिक्षुरी	"	२४९) श्री मञ्जु	"
२२१) श्री भृकुटी	"	२५०) श्री यशोदेव	"
२२२) श्री भैष्य	"	२५१) श्री रत्नकीर्ति	"
२२३) श्री मणिकूट	"	२५२) श्री रत्नराज	"
२२४) श्री महाप्रत्यंगिरा	"	२५३) श्री रत्यप्रभाषेश्वर	"
२२५) श्री महासार्थवाह	"	२५४) श्री रत्नपाणि	"
२२६) श्री मणिदत्त	"	२५५) श्री रत्नवृष्टि	"
२२७) श्री महानाभ	"	२५६) श्री रत्नचन्द्र	"
२२८) श्री महावरुण	"	२५७) श्री रत्नसंभव	"
२२९) श्री महासिंह	"	२५८) श्री रत्न	"
२३०) श्री महाज्वालनि	"	२५९) श्री रत्नकूल	"
२३१) श्री महामौदकल्याण	"	२६०) श्री राहुल	"

२६१) श्री खिरिखरा	लोकेश्वर	२९०) श्री सर्वनीवर्णविष्कंभि	लोकेश्वर
२६२) श्री रैवत	"	२९१) श्री सतपददायक	"
२६३) श्री रोचनि	"	२९२) श्री सहश्रावतार	"
२६४) श्री ललितनाम	"	२९३) श्री सर्वसमित्र	"
२६५) श्री लमिन्दभूज	"	२९४) श्री सर्वज्ञानदृष्टि	"
२६६) श्री लंकावतार	"	२९५) श्री सर्वज्ञ	"
२६७) श्री लोकधातु	"	२९६) श्री सहश्रभुज	"
२६८) श्री लोकनाथ	"	२९७) श्री सर्वाकारज्ञतया	"
२६९) श्री लोकसुन्दर	"	२९८) श्री समन्तभद्र	"
२७०) श्री लोकाभिलाषित	"	२९९) श्री सरीरमृजगोमिनी	"
२७१) श्री शक्रवीर	"	३००) श्री सर्वविभूषित	"
२७२) श्री शंखनाद	"	३०१) श्री सत्यधर्म	"
२७३) श्री शाक्यसिंह	"	३०२) श्री सहश्रविबु	"
२७४) श्री शाक्यमुनि	"	३०३) श्री सत्यसंज्ञक	"
२७५) श्री शाश्वत	"	३०४) श्री सर्वनिरवसत	"
२७६) श्री शाक्यधातु	"	३०५) श्री स्मरवीर	"
२७७) श्री शालिपुत्र	"	३०६) श्री सार्थवाह	"
२७८) श्री शिखित	"	३०७) श्री शाश्वत	"
२७९) श्री शिवकान्ता	"	३०८) श्री सागरवति	"
२८०) श्री शीलचक्र	"	३०९) श्री शांत	"
२८१) श्री शुभपद्म	"	३१०) श्री सागरगम्भीर	"
२८२) श्री सृष्टिसंसार	"	३११) श्री स्वगत	"
२८३) श्री स्वजिता	"	३१२) श्री सिंहनाद	"
२८४) श्री बुंगमेश्वर	"	३१३) श्री सिंहमुखी	"
२८५) श्री लोकनाथ	"	३१४) श्री सिंहविक्रिदित	"
२८६) श्री तेज	"	३१५) श्री सिंहवीर्य	"
२८७) श्री मल्ल	"	३१६) श्री सिंहकेतु	"
२८८) श्री षडक्षरी	"	३१७) श्री सिद्धार्थमति	"
२८९) श्री षडपन्न	"	३१८) श्री स्थितबुद्धि	"

३१९) श्री सुखावती	लोकेश्वर	३४०) श्री हरिहरवाहन	लोकेश्वर
३२०) श्री सुगति	"	३४१) श्री हुताशन	"
३२१) श्री सुमुख	"	३४२) श्री हेमवर्ण	"
३२२) श्री सुदर्शन	"	३४३) श्री ज्ञानसागर	"
३२३) श्री सुप्रियसार्थवाह	"	३४४) श्री ज्ञानधातु	"
३२४) श्री सुबाहु	"	३४५) श्री ज्ञानप्रज्ञ	"
३२५) श्री सुभूति	"	३४६) श्री ज्ञानकाय	"
३२६) श्री सुमनुज	"	३४७) श्री ज्ञानप्रकाशक	"
३२७) श्री सुचेतनकर	"	३४८) श्री ज्ञानकौडिण्य	"
३२८) श्री सुप्रतिष्ठित	"	३४९) श्री ज्ञानकेतु	"
३२९) श्री सुपरिकर्तन	"	३५०) श्री ज्ञानध्वज	"
३३०) श्री सुवर्णप्रभाशोत्तम	"	३५१) श्री ज्ञानश्रीमित्र	"
३३१) श्री सुनिर्वृत्ति	"	३५२) श्री क्षस्ता (षष्ठा)	"
३३२) श्री सुलोचन	"	३५३) श्री क्षान्ति	"
३३३) श्री सुपुष्प	"	३५४) श्री क्षितिगर्भा	"
३३४) श्री शून्यनिरंजन	"	३५५) श्री क्षमंकर	"
३३५) श्री सूर्य	"	३५६) श्री त्रिदशभूमि	"
३३६) श्री सूर्यविन्दु	"	३५७) श्री त्रिगुणसंभव	"
३३७) श्री संपूत	"	३५८) श्री त्रैलोक्य वसंततिलक	"
३३८) श्री हलाहल	"	३५९) श्री त्रैलोक्य विजय	"
३३९) श्री हयग्रीव	"	३६०) श्री त्रैलोक्यनाथ	"



नेवा संस्कृतिकलाप्रेमि महानुभावपिन्त

छगू न्हूगु सूचं-

थ्व छु घासा, मेमेगु देशविदेशयागु कला संस्कृतिलिसे अलगगु नेवासंस्कृतिया थःगुहे परम्पराकथं ज्यायाना वईच्चंगु थःगुहे विशेषता दर्ईच्चंगु सिजःपाता, लीःपाता एवं वहःपातास ध्वया, किया दय्केमाःगु नेवाज्याः सम्बन्धी कलात्मक वस्तु (चीवाहा, गजू, तोरण, इलाँ, भंगि तंगि, लिबि, प्रभा, मण्डः, कोपयः, भुलथि व क्षपु, गरूड, हितिमंगः मलः नागकन्या, हरिञ्चक्र, छत्र, ध्वज, पताका तथा विभिन्न देवी देवी देवता) समेत दय्केया लागि जिमिगु ज्यासलय् बिज्याहूँ भाँस, दिसँ ।

लिसे तिसैं छःपिं छिकपिगु अदर बमोजिम यैपुक लुघनपुसेच्चंक बाँलाक, बलाकक, भिक उचित-मूल्यं इलेहे तयार याना बिई धैगु मनंतुना छःपिं छिकपिन्त स्वागत याना च्वना । अस्तु ।

स्वापूतय्गु थाय्-

राजकुमार शाक्य

६/८ यल महाबुद्ध थेंना, फोन नं. ५२७२४४

बौद्ध धर्म, बौद्ध संस्कृति, बौद्ध कला, बौद्ध इतिहास एवं

प्राचीन लिपि ब अभिलेखया विषये

चवमिया आःतक पिदने धुंकूगु सफूत

१. श्रीस्वयम्भूमहा चैत्य
२. बुद्धमूर्ति छगु अध्ययन
३. बौद्धनाथ स्तूप इतिहास
४. महाबौद्ध मन्दिर इतिहास
५. बौद्धविहार व ग्रन्थसूची
६. बौद्ध शिक्षा प्रथम भाग
७. बौद्ध कला अनुसन्धान सूची
८. सम्यक महादान गुथि
९. त्रिभाषायुक्त आर्यभद्रचरी
१०. रुद्रवर्ण महाविहार परिचय
११. मयूरवर्ण महाविहार इतिहास
१२. विद्याधरी विजयेस्वरी परिचय
१३. आर्याविलोकितेश्वर परिचय
१४. वैश्रवर्ण महाविहार संक्षिप्त परिचय
१५. यट्खाबाहा परिचय
१६. इलन्हे सम्यक्
१७. हिरण्यवर्ण महाविहारया पिण्डपात्र अभिलेख
१८. रुद्रवर्ण महाविहारया तालपत्र अभिलेख
१९. आर्यनामसंगीति, ताराशत, भद्रचरी
२०. पूचः छगु अध्ययन
२१. आर्यनाम संगीति परिचय
२२. नेपाल संस्कृतिया मूलखा
२३. माणिगल राजप्रासाद
२४. स्थिरोभव वाक्य
२५. नेपाल लिपि संग्रह
२६. नेपाल लिपि प्रकाश
२७. नेवारी वर्ण परिचय
२८. लिपि विकास तालिका
२९. कुम्भेश्वर इतिहास
३०. लिच्छवि अभिलेख प्रकाश
३१. मेडिभल नेपाल कोलोफोण्ड एण्ड इन्स्क्रिप्सन
सम्पादन— हेमराज शाक्य व तुलसिराम वैद्य
३२. श्री ५ महेन्द्र स्मृति अभिलेख
३३. विक्रम चरित्र नाटक
सम्पादन— सत्यमोहन जोशी व हेमराज शाक्य
३४. डकुमेण्ट फ्रम दि रुद्रवर्ण महाविहार,
सम्पादन— वर्नहार्ड कोलभर व हेमराज शाक्य
३५. यलया विहार चैत्य व धर्मघातुया सूची
३६. न्हूदँया लसताय भितुना
३७. श्री रुद्रवर्ण महाविहारस्थित विभिन्न
अभिलेखया सारांश—अर्थ
३८. मचा जंक्वः बौद्ध विधिकथं
३९. वुंगमलोकेश्वरया सांस्कृतिक पृष्ठभूमि